

OMULINDIZI, INO ALI BUTI MASIKU?



[Mukwesu Gene Goad wabala Isaya 21:1-12—Mul.]

[I mukuli wa lukula lwa lwizi. Mbuli tumbizi mbo tufwempula mu musanza kwiinda; mbubonya mbo kazwa ku lukula, kuzwa ku nyika iiyoosya.]

[I cilengaano cipenzya calungululwa kuli ndime; sikubela walweeno wabeleka calweeno, alimwi sikusaala wasaala. Kuya kutala, O Elamu: sinkinizya, O Mediya; koonse kutongela kwabo Nda kulesya.]

[Nkikaako cikungu cangu cizwide kucisa: macise alindi jisi, mbuli macise a mwanakazi oyo utongela: Nda kakotama ku kumvwa nkuko; Nda kausa ku kucibona.]

[Moyo wangu uli pilingene, kuyoowa kwandi jaya: busiku bwa kubotelwa kwangu waku sandula kuba buyoofu muli ndime.]

[Bamba tafule, langilila mu ngazi ya mulindizi, amulye, kunywa: amubuke, nobasibwami a kunanika ntobo.]

[Nkambo mbu boobu mbwaamba Mwami kuli ndime, Koya, kabikke mulindizi, alu ngulule eco ncabona.]

[Elyo wa kabona nkalaki zya basimbizi basyonto, nkalaki zya tumbongolo, a nkalaki zya nkamele; elyo wa kapamana camoyo akuswilila maningi.]

[Elyo wa kalila, Ii mulavu: Mwami wangu, Nda ima cakuzumanana atala lya ngazi ya mulindizi mu ciindi casikati, alimwi Ndili kkede mu kaanda kangu masiku oonse:]

[Elyo, amubone, mpaawa kwasika nkalaki ya bantu, a basimbizibasyoonto. Elyo wa kavwiila a kuti, Babuloni ya wa, ya wa; alimwi zyonse zikozyano zyakubeza izya tuleza twakwe wa zipwaila ansi.]

[O kupola cangu, a maila a cibuye cangu: eco Nce kamvwa ku MWAMI wa makamu, Leza wa Israyeli, Nce ndamu lungulwida.]

[I mukuli wa Duma. Ula ndiita kuzwa ku Seir, Omulindizi, ino ali buti masiku? Omulindizi, ino ali buti masiku?]

[*I mulindizi wakati, I cifumo cilasika, alimwi aalo masiku: ikuti na muyanda kubuzya, amu buzye: amubweede, amuboole.*]

[Kabela katakwecintu aa teepu—Mul.]

- 2 Nda kulumba, Mukwesu Neville. Ncibotu ku kubona alimwi.
- 3 Mwabuka kabotu, ku kkilasi yesu ya Bbaibbele cifumo cino, mbuli mbo tu yanda kumu juzya mu Zina Iya Mwami Jesu. Elyo mbuli mbo Nda kali kweenzya kuselemuka mugwagwa kaindi buyo kasyoonto kainda, a mukwasyi wangu, Ndali kuyeeya bantu abo basika ku mbungano a mazuba atezemuka mbuli aya, cindi caanda nocili koonse ku cisi, cantenda mu mugwagwa. Taba booli buyo kuzo bonwa. Ba jisi bukanze bumwi mu kuboola. Elyo Ndili kkomene loko kubona nkamu eyi awa cifumo cino, kuti, cicili, “Lusyomo lwa matata esu, lucipona,” kuumpa mu myoyo ya baalumi a banakazi koonse.
- 4 I Ijwi lyazwaa kubalwa a Mukwesu wesu Gene Goad, ca cipati 21 ica Bbuku Iya Isaya, oko nko tuyo langalanga, kwa kaindi kaniini, elyo mpawo kuba a kukombela balwazi. Elyo lino ku cibalo, cifumo cino, Ndi yanda kuzwa awo, kampango ka 11 kwiinda mu 12: *Omulindizi, Ino Ali Buti masiku?*
- 5 Elyo tatunaba kuba amulimo wa ku kanana, atu kotamike mitwe yesu asyoonto mu mupailo.
- 6 Mwami Leza, Nduwe Leza wa matata esu. Nduwe Leza Oyo wakafulida kuyoya kutaanzi kwa buumi oko kwakasola kuboola aa nyika, a ujisi bweendelezi ku buumi bonse kusikila ku ciindi ecino ciliko, alimwi uya kweendelezya lyoonse. Nkambo Nduwe Cilenga wa bantunsi boonse, a zintu zyoonse ezyo ziyoya. Yebo uli Cilenga.
- 7 Elyo tuli kkomene, cifumo cino, ku syoma mu myoyo yesu kuti zisyomezyo Zyako nzya bwini, umwi aumwi wabo. Elyo kuti mu zisyomezyo ezi, Wa kaamba kuti oko bobile na botatwe nkoba bungene mu Zina Lyako, kuti Uyo oba akati ka bantu Bako, a kuti Uyo ingula lwiito lwabo.
- 8 Elyo kuli myoyo milemu sunu. Mbuli kuzwa kuciindi ca kunjila mbungano, Nda bona ezyo aa zibwezelo na tulombo. Elyo bamwi amaboko abo, kuzwa kkuyambukilwa cilwazi—zilwazi mu maboko abo. Elyo bamwi, Nda kamvwa, abo baka sweekelwa bayandwa. Elyo, oh, ni nyika ya bubi abubi! Pele, nekubaboobo, zintu ezi zyoonse zyeede kuyeeyelwa kabotu mu Mwami Jesu, Oyo waka twaambila, kuti, “Zintu zyoonse zili muku beleka antoomwe ku bubotu kuli baabo bayanda Leza.”
- 9 Elyo tuli mukuvwaana cifumo cino, kusyoma kuti zintu ezi zinji zyeede kutuleta ku mazwi esu. Elyo tu yanda kuyeeya Lugwalo, kuti, “Abo balindila aa Mwami bayoo bukulusya nguzu zyabo. Bayo tanta mababa mbuli sikwaze. Bayo zuza a kuta katala. Bayo enda akuta wizuka.” Elyo mbuli sikuyabila

mbwa kaamba, “Kondi yiisya, Mwami. Kondi yiisya, Mwami, nzila ya kulindila.”

¹⁰ Atu, sunu, mbuli mbo tu lindila kumvwa kuzwa ku Bulemu, a kuzwa ku mulomo wa Mufutuli wesu, kwiinda mu Muuya Uusalala, kuti tuyo lindila calukakatilo kumvwa Jwi Lyakwe kukanana zintu ziyandisi kuli ndiswe, kwiinda mu Ijwi Lyakwe, a kukanana kujatilwa zibi zyesu, akuponya malwazi esu.

¹¹ Elyo akube kuti tuzwe mu cikombelo eci cifumo cino, katangala, a kwaamba mbuli baabo bakazwa ku Emau, “Sena myoyo yesu tiyapya muli ndiswe mbuli Mbwa ali kwaambaula kuli ndiswe mu nzila?” Nkambo tula syoma ncobeni kuti Ngu Mwami wakabuka, mbuli mboba ka Mu jana buzuba obo. Alimwi Uli akati ka bantu. Ta tukatede, myoyo yesu taika wizuka. Atu bukulusya lusyomo lwesu, oora lyonse, muli Nduwe. Ko cipa, Taata.

¹² Twa Ku lomba kuleleka Ijwi lilembedwe. Elyo kulongezya matwi ayo amvwa, nkabela milomo eyo iyo kanana; a kujana Bulemu kuli Lwako. Nkambo mu Zina Iya Jesu twa lomba. Amen.

¹³ Taakwe umwi wesu wakasitwa ku mapenzi. Leza taka syomezwa kutu tantamuna kuzwa ku malwazi onse. Pele kuli lembedwe, kuti, “Nguzu Zyakwe nzinji, alimwi Ta kabikki kunji loko ali ndiswe pele eco Ncayo tupa luzyalo lwa kucipa.” Aboobo tu jisi luumbulizyo olo lwa kuziba.

¹⁴ Ku muyeeyo wa cibalo ndyoonya lino, kwa kaindi kaniini, a cintucimwi eco ciboneka kubikkwa ku moyo wangu maora masyoonto amamanino: *Omulindizi, Ino Ali Buti Masiku?*

¹⁵ Antela cakali kutandila, aakati ka mangolezwa a kusiya. Elyo bwakali buzuba buyoosya mu dolopo, nkaambo kwakali kulibilika kwa kapegwa, cakuti balo, mulindizi ku ngazi, wakajosya ijwi eelyo ndya kabona kulaale lusuko kaluzwa ku mavwili aa nkalaki. Elyo wa kamvwa kujitima kwa nsumba Iya mbizi, musinzo mulaale.

¹⁶ Pele mbuli balindu bobilo baniini mbo banga kabaimvwi ku mukalo, alimwi mu bwana bwabo, busela wabwana, ba kajisi kunji kwa kuyeeya, ba kayeeya, kwinda aya majwi a mulindizi mbwa kabede. Ndiza tii cakaamba kunji kuli mbabo, nkaambo bakali buyo mu kumeka bwa bwanakazi buniini. Ndiza kakali kaambo kakuti kwakali kuyooba cipobwe masiku ayo, elyo balindu aba bakubusyi bakali kuyanda kujanika ku parti eyi. Elyo cakaboneka kuba kuti kucenjezegwa kwa mulindizi nikwa tabelika ali ceco ncoba kajisi ca musaalo wanyika kumvwisigwa busiku obo. Aboobo mbuli mubandi mbo unga wazumanana, elyo—elyo mulindu omwe mukubusyi inga waamba kuli umbi, “Sa tacili cibaabi loko, kuti, mu buzuba bwesu, kuti tu jisi lutangalo luli boobu lwa kujaya, muntu umwi oyo unga wasola

ku—ku tugwisya kuzwa ku zyoolwe ezyo nzyo tujisi, a kuzwa ku misaalo eyo njo tukonzya kubotelwa?”

¹⁷ Elyo Nda syoma eco inga catandila buyo kweendelana a bupanduluzi kwasunu ibwa sunu, kuti bantu bayeeya kuti cindi wasola kuba pakamanya a kubacenjezya ku ntenda ziboola, kuti babneka kuyeeya kuti uli buyo mudaala wa ziyanza zyakaindi, umwi usola kugwisya lonse lutangalo mu buumi.

¹⁸ Elyo inga twa yeeya aluba baalumi bakubusyi, mbuli mbo bakali kuzwa ku wekishopu, a masyu abo kajisi tombe lizwa ku ncito nzyo kanjizigwa kubeleka ciindi casikati. Elyo mulombwana umwi mukubusyi inga waamba kuli umbi, “Mbo twa manina buyo kukonzya kusamba a kulilondola, aniini, baa, tuya kuswaana ku taaveni, mbuli lyonse. Nkambo Ndili masimpe kuti nywebo, Johane, tamu nyongene koonse kujatikizya mulumbe oyo ngo twa kamvwa sunu, oyo mulindizi aa ngazi, kusola kugwisya lutangalo loonse kuzwa ku buumi, kusola ku twaambila kuti kwakali kuswena kwa ntenda. Pele, nywebo mulizi, tuli jisi mpi mbotu kwiinda eyo iliko. Elyo bunji bwa basilumamba besu bali . . . swaangana busiku abumwi ku busena obu mbubonya mbo tucita, elyo tula lubotelwa luswaanano antoomwe, mbuli lwa ii—ii kuuma njuka kuniini kwabulongwe, a zyakunywa zisyoonto. Elyo Mebo, lwangu,” inga wato, “kokaka buyo kucenjezegwa makani a zintu zili boou kuti oyu mulindizi uyo ambaula. Nkambo tu syoma kuti na kwakali kuboola imwi ntenda, kuti ncobeni marabi esu—esu inga aziba kujatikizya baaba, beeembeli besu, alimwi inga kaba twaambila kujatikizya zintu zili boobo. Elyo ta tukwe ndaba kuvwa twano otu tucima twa balindizi aba bali atala lya ngazi.”

¹⁹ Elyo ikuti na eco tacili ciimo cibotu loko ca cisi cesu sunu, kuti bakubusyi ba mu nyika yesu, alimwi kutali biyo bakubusyi, pele bakakomena ba mu nyika yesu, baka pilingana nconzyo. Elyo bala kaka kumvwa kucenjezya. Elyo mulindizi wakasimpe mbwa peda kucenjezya kwakwe, ubikkwa mu ciga cakuti ngu sibuzumini bumbi, na sikwiindilizya umwi.

²⁰ Elyo mbuli buzuba mbo bukomena masiku, ndiza silumamba ku mulyango, oyo uli mukukwabilila milyango, kuba akuta kkalikila kuniini. Elyo ula unka okuya ku i . . . simukobonyina wakatimizya, a kwaamba kuti, “Sena mula syoma kuti kuyooba ciindi cikonzeka cakuti oyo mulindizi wakali luleme?”

²¹ Nywebo mulizi, kuli cintucimwi ca ntenda, kuli cintucimwi ca lufu, eco ciboneka kuba akucenjezya kwa kumbele kujatikizya ncico. Ziindi zinji abo bayandwa kaindi kakutanaba buyo kwiinda kulanduka lubazu lumbi, kuboneka kuba kucenjezegwa kusika kuli mbabo.

²² Nda konzya kuyeeya bataata, kakutanaba kuunka kwakwe. Wa kali zwide mu Kentucky kwa myaka minji. Pele, mpoonya biyo, cintucimwi cakaboneka kweenzegwa aa bataata, kuunka

kunselelo ku busena bwa muunzi bwakale a kuyo kanana kuli bayandwa bakwe a beenzinyina bakwe.

²³ Na kamana kubweeda ku muunzi, munyina, cakuti ta kakonzya kubona, wakacenjezegwa cakugambya kuboola ku Jeffersonville kuzo mubona. Elyo kuciindi nitwa kakkede, akwaambaula, taata wakalebuka kuba mu inyika imbi.

²⁴ Ndi yeeya zya mulamwe wangu. Mazuba buyo masyoonto kakutanaba kutolwa kwakwe, wa kati, “Billy, yebo a Ndime atuunke kuyo vwima kutala, atala lya Utica. Ndi yanda buyo kwiinka ku busena bwakaindi.” Bumwi, mu provinsi ya Leza, Nse kakonzya kuunka anguwe buzuba obo. Elyo wa kaunka kutala buzuba obo a kuvwima, elyo cindi na kapiluka aa basia, wa—wa kandaambila, wa kati, “Nda kali kkede kulaale atala lya cilundu. Ca kacinca coonse lino. Pele kulaale ansi ku kkona limwi lya zisaka, Battle Creek, atalaala ali ndiswe,” wa kati, “calibonya mbuli kuti Nda konzya kumvwa baama kabaita kuti, ‘Oh, Frankie!’” Busiku obo wa kapa bumboni, mu mundando wabili wa mbungano eyi, ku lumwensi lwangu, kuyandisya mipailo ya bantu nkambo ka nguwe. Elyo mazuba masyoonto akainda, twa kamuzikka.

²⁵ Ci boneka buyo kuti Leza lyoonse ulatuma mutumwa. Bwalo mbubotu Bwakwe a luzyalo Lwakwe, kupa bwini mu moyo kucenjezegwa kwa zintu ezyo zili mukuswenena.

²⁶ Elyo Ndili kkomene loko kuti mu buzuba bunu mbo tupona eno, kuteeti, cindi kusiya a mudima aa mabazu oonse, mpaawa kwa boneka bulangizi bulelekedwe kabujata moyo wa bantu ba Leza, kuti ora limwi lyabulemu Jesu uya kusika.

²⁷ Elyo mu ciindi eci cipati ca penzi, mu dolopo eli, bantu bakubusyi tabata cibikkili maanu, a bantu banji abo bataka jisi ndaba kujatikizya eo mulindizi ca keelede kwaamba. Mubwini, bakali mu taaveni, kabanywa, nkabela parti yakali kucitika. Elyo basilumamba boonse bakali kunywa. Elyo bakali kuba a ciindi cibotu, kayeeya kuti bakali kwabilidwe buyo mbuli mbo bakakonzya kuba. “Taakwe cakali kuyo bacisa,” nkaambo bakali syankene buyo, mbuli mbo tunga twa ciita, aa myuuya ya whisiki a kunyongana.

²⁸ Elyo mpoonya awo, kwakasika nkalaki kazi pumbulika moonya mu munzi. Elyo milyango ya mataaveni yakali tyokede mukati, a miinzi, a zilwanyo zya kujazya zyakali kubeleka, nkaambo buyo kakuti baakaka kumvwa kucenjezegwa kwa mulindizi.

²⁹ Alimwi bulizi bwa mulindizi, mu Bbaibbele lyakaindi, wakali muntu oyo wakasalidwe. We elede kuba muntu uupakamene wa mibili ya kujulu. We elede kuziba ncobeni awo nyenyezi mpo zilengelela, ku kwaamba ciindi cilondokede ku bantu. Kulibilika kunji, nikwa kamana, ndiza, a kutakonzya koono, kutakkalikila, elyo niba koongolweda mulindizi mu

ngazi, alimwi koongolola majwi aya akuti “Omulindizi, ino ali buti masiku?”

³⁰ Elyo wa kali kunga ulanga ku nyenyeezi, elyo mpawo wakali kunga wati, “Ngu ciindi cili *boobu-a-boobu*.”

³¹ Mpawo bakali kunga bajokela ku bulo bwabo, na kufumbwa nko bayanda kukkala, kulindila kupasuka kwazuba kuti kusike, kakuli masiku akukatata, kudekela, akuta kkalikila inga amana.

³² Leza koba a luse! Nda libuzya na tacili nce ciindi, asunu, cakuti ta twiitili ku Mulindizi wesu mupati kuti, “Ino ali buti masiku?” Kuli ntenda iiswena kaiboola, nkabela inyika yoonse ilibonya kuzungaana kungsi lya koongelezya kwayo.

³³ I mulindizi awalo wakacita kuba a mulimo, ziindi zyoonse. Elyo wa kali ku cenjezya bantu kuswena kuli dander. Obo bwakali bulizi bwakwe, bwaku langilila ntenda yakali kuboola. Elyo wa kali atala lya ngazi eyo yakayakwa aatala maningi kwiinda bulambo. Alimwi eyi ngazi, wa kali atala alya, muli njiyo, mabbuku ajatikizya kweembela zyakujulu, a zimwi zimbi, kutegwa akonzye kulangilila nyenyeezi a kwaamba ciindi. Kufumbwa cintu ciswena, ca ciindi ca buzuba, wa kali kukonzya ku caamba.

³⁴ Mpawo, walo wa kalikukonzya kubona kulaale kwinda umwi wakali ansi. Wa kali kukonzya kubona kulaale kwinda umwi wakali aa bwaanda, nkaambo wa kali atala maningi. Alimwi wainkisyaa atala, nokonzya kubona kulaale. Alimwi inga waziiba ntenzi ziboola, kulaale loko kwinda abo bali keengidwe ansi.

³⁵ Elyo mbuli Isaya, mu buzuba bwakwe, wakali kukanana kuti Leza waka mubamba kuba mulindizi. Leza wakakozyanisyaa basinsimi Bakwe mbuli basikwaze.

³⁶ Elyo mbuli mbo Nda kakambauka kanji ku ciiyo ca basikwaze, sikwaze walo muyuni inga waunka kujulu maningi kwinda muyuni uli onse umbi. Elyo weelede kubambwa cabusalesale mujulu ono mwa unka. Lino, lubanze takali kukonzya kumutobela. Taakwe muyuni umbi wakali kukonzya kumutobela. Walo muyuni waka bambwa a Leza, alimwi wa kabambwa boobu. Ikuti na muyuni umbi wasola kubweza busena bwakwe, inga waloba. We eledekuba a mapepe mayumu, mababa mayumu. Elyo ino ncibotu nzi mbocinga camu citila kuya mujulu ikuti na taka konzya kubona, kuba a meso mabotu kubona? Lubanze inga woofwaala kutala okua; inga takonzya kubona. Pele sikwaze mbwainkila maningi mujulu, nakubona kabotu kulaale.

³⁷ Elyo Leza wakakozyanisyaa basinsimi Bakwe kuli basikwaze. Balo mbasikulangilila abo batanta aatala maningi, kutegwa bakonzye kubona kulaale. Alimwi meso abo akabambwa cakumuuya kutegwa kaba konzya kubona ntenda ziboola.

38 Elyo Leza wakabikka Isaya ku cenjezya bantu kuti kwakali kuswena ntenda, nkabela tiiba kamu swiilila.

39 Elyo, sunu, Leza ucijisi basikwaze, na batumwa, na bantu aa ngazi, abo batanta mu Muuya, Kule kwindilila bupange boonse, a matomiki bbomu onse, kubbutukizya kwasayaansi. Tuli jisi bantu bakapangwa cabusalesale ku bukanze obo, abo batanta malambo mapati malamfu a Kalivari, mu Zina Iya Mwami Jesu, alimwi uliimvwi atala Iya ciingano, a kukonzya kujosya Mulumbe, “MBUBOBU MBWAAMBA I MWAMI.” Kukubona kwabo kwa kumuuya nkupati maningi kwiinda bapaizi mu tempele; kwiindilila muntu uuzizilwe wa bweende bwa buumi; nkambo baka pangwa cabusalesale ku malizi ayo Leza nga kabaitila. Nkikaako, cila gwasya kuswiilila cindi twamvwa zintu ezyo ziboola.

40 Mpawo inga Nda cinca lino kwa kaindi buyo kaniini. Alimwi inga mwapakamana ku Mwaami wa basikwaze aba, na basinsimi, na balindizi bengazi. Oyo ngu Mwami Jesu, Mwini. Elyo buzuba buno mbo tuponamo bwakali bupati maningi kwiinda buzuba obo Mbwa kabede awa, kusikila, cindi Na kali moonya mu zimvule zya ciingano, Wa kaamba kunji kwa Kuboola Kwakwe kwabili kwiinda Mbwa kacita kwa kuunka Kwakwe. Ikuti na mwalingula kabotu Magwalo, muya kujana ceeco kakutaninga buyo kuunka Kwakwe, kuti Wa kasinsima zintu ezyo zyakali kuyo citika mu buzuba buno.

41 Wa kalizi kuti Wa keelede kubambulwa. Wa kalizi kuti Wa keelede kupenga i—i cakubula kaambo nkambo ka basimilandu. Wa kalizi kuti Uyo buka alubo kuzwa ku cuumbwe, aa buzuba bwatatu. Wa kalizi kuti kwakanyina inguzu zyakali kukonzya ku Mu jatilila mu cuumbwe, nkaambo Ijwi Iya Leza Iyakati, “Nse kalekeli Umwi Wangu uusalala kubona kubola, naanka kuti Nka siye buntu Bwakwe mu gehena.” Elyo kwakanyina inguzu zyakali kukonzya kumwaya cisinsime eco. Ijwi Lyakwe liyooba kasimpe, alimwi Aya kuzulizigwa mu ziindi Zyawo. Elyo Wa kajisi kaanzambwene kuti, eco Taata nca kaamba, Taata wakali kukonzya kubamba Ijwi Lyakwe.

42 Nkikaako, moyo Wakwe mupati wakali muli Nguwe, oyo wakali Cuuno cabwami ca Leza, mu moyo Wakwe Wa kalizi kuti ezi ziindi zisola zipati inga ziyo boola kutondezya masi oonse, a kutondezya bantu boonse. Aboobo, nkikaako, Wa kalizi kuti mubuzyo mupati wakabikkwa, kutali kuti Uyo buka alubo, na Uyo bambulwa kweendelana ku Magwalo, na kutali na Uya kutanda Kujulu, nkabela Muuya Uusalala uya kusika. Pele mubuzyo wakali kuti, “Sa inga kwaba lusyomo luli loonse lusyeede aa nyika ku Kuboola Kwakwe?” Elyo luli kuli lusyomo nko luyosika? “Ku kumvwa Ijwi Iya Leza.” Oyo wakali mubuzyo Wakwe. “Sa kuyooba lusyomo aa nyika cindi Nda kusika?” Sa Uyo jana bantu basyoma Ijwi Lyakwe?

⁴³ Lino cindi swebo, mu buzuba obo mbo tupona, inga twa jula mu mapeegi aa Ijwi Lyakwe lilelekedwe, a kujana zintu nzyoonya Nzya kaamba kuti ziyo citika, kuswena aa nyika sunu, zitondezyo a zigambyo kazi citika: “Myoyo ya bantu ili mukuwizuka mu buyoofu.” Kuli “kunyongana akulibilika kwa ciindi a mafwabi akati ka masi. Kuboneka kuyoosya mu milengalenga,” mbuli ndeke zyeenzegwa aaba ku manyika aambi, a ba Pentagon baka kopanisigwa koonse. “Elyo lwizi kaluvuuma, a mizuzumo yanyika mu masena aansininsini. Myoyo ya bantu ili mukuwizuka, mu buyoofu.” Zilwanyo zipati zya atomiki kazikkede, ka zilindila. I kuungumana kakulegngelela a nyika, oko inyika nkoitana bwene pe.

⁴⁴ Mvwiki yainda Nda kajisi coolwe ca kwaambaula a umwi wa beenzuma bayandwa bangu a bakwesu, Silutwe Julius Stadsklev, oyo wakalemba bbuku, *Musinsimi Waswaya Africa*. Elyo Mukwesu Julius wakali mu California, oyo lino uli mukutola kwiiya kwakwe kwa banji mu impi. Elyo ba. . . Balo, basilutwe bampi, baka mutolede ku sukusyo pati. Elyo baka lingula nzyalani yakwe kusikila baka tondezya akwalo kuti banyinakulu bapati bakali bani, alimwi makani abo akaindi aboobo mbo bakakede, ka taninga kukkala mu muswaangano oyu.

⁴⁵ Elyo mbuli mbwa kazwida ku muswaangano, a kusika atala lya cilundu oko nko twakali kukkala a beenzuma bamwi, wa kandi swaana okuya kungsi lya samu lya junipa, elyo wa kati, “Mukwesu Branham, ncintu cipentedwe maningi eco ncoka sola kumvwa.” Wa kati, “Ndili kungsi maningi lya cikonke cakuti Nse konzyi kwaamba, na kukonzya kulekela amwi makani,” kati, “nkaambo tuli. . . Ba katusamika kungsi lya cikonke cisetekene. Pele,” kati, “Nda konzya kuziba ceeci. I mpi iyo mana. Ta bakabi ampi imwi limbi; balindila buyo basyoonto abusena. Taba kabi abuyake limbi bwakuulukila ndeke. Ta ka ku—ku bikka ciindi cabo akupanga ndeke zizuza maningi a zimwi, citakuti nkwa kubelesezya mpindu. Balo babikkila maanu akukwela komwe kwa kulesula kumwi. Kuyo boola kunyonyooka kumaninide.”

⁴⁶ Wa kati, “Mukwesu Branham, buleya tazi obo maseseke aa zintu zya mpibede.” Wa kati, “Cindi aba basimutalisya bapati niba kaambaula mu kaanda,” wa kati, “kwakasika kusiyaasiya kubyaabi atala lya kaanda, kusikila umwi mupati wa banasayaansi wabo wakaimikila, akuti ‘Nda lombozya ni Nda konzya kubweza mootokala mupati a ng’ombe, a kweenzya kujoka kunze lya malundu, akundi syangila cibiwa ca kkabici a bunyangu, a kuluba konse kujatikizya ncico.’ Oh,” wa kati, “inga caba, ikuti na aya makani asika ku buleya, inyika yoonse inga yanjila mu pania. Ntenda ili mukuswena.”

⁴⁷ Wa kati, “Ba jisi. . . kusomona bantu babo lino kuzwa ku tusuwa. Bali mukusomona zitabolwi zyabo kuzwaku England. Elyo bajisi bwaato bupati ncobeni bubikkidwe alya, bujisi

misyoobo imwi ya zilwanyo. Alimwi balindila buyo kambizi katanzi ka kadandamiti, nkabela cisi acimwi ciyo angulula ku ciindi comwe.” Kati, “Taku kabi kateo ka bwizu kayo syaala a nyika, na cilundu comwe pele ciya kuba kuzungaala ku kweelana kwayo. Elyo inga ca citika kufumbwa ciindi.” Oh, ino ndi oora lisiyasiya!

⁴⁸ Elyo zintu zyonse ezi nzo mumvwa zijatikizya ndeke zitamininwa kweenzegwa abazwa ku pulaneti imbi. Elyo mwakamvwa kubuzanyanya a muntu oyo, Nda yeeyela, ijilo, aa redio, abo bataminina kuti ula ambaula ku bantu. Ta ndilombozyi kuubaula muntu oyo, pele cianza cakwe coonse ciliimpene ku Ijwi. Ta ciluleme. “Elyo aa Mars, taba jisi lufu, alimwi baboola okuno kuzo tuyiisya nzila ya kutaba a lufu.” Pele cindi nicaka boola kutondezya, ta kajisi kabeela komwe ka cizibyoyi, cakuti wa kakonzya kucitondezya. Muzeezo buyo umwi wakuyeeyela buyo oyo ngwa kadulowa. Elyo, ku muzeezo wangu, nca bubeji, nkaambo Bbaibbele lya kaamba bwandeene kuzwa kuli ceeco nca kaamba.

⁴⁹ Inga ndatondezya eco nce Ndi yeeya kujatikizya ndeke zyeenzegwa aa manyika aambi. Ta ndisyomi kuti nzimvule. Nse syomi kuti mba kuyeeyela buyo. Nda syoma... Elyo eci ta cicibambi kululama. Walo muzeezo buyo wangu. I Mwami tandaambila kuti obu mbo babede. Pele, kwiinda ku kulanga mu Magwalo, nkambo Mpaawo mpo tu jana zintu zyoonse.

⁵⁰ Jesu wakati, “Mbubonya mbo kwakabede mu mazuba a Sodoma, mbubonya mbo ciyooba mu kuboola kwa Mwana wa muntu.” Elyo kakutanaba lunyonyooko lwa Sodoma, a mulilo kuwa akumpa munzi a mabanda, kwakali Baangelo bakatumwa kuzwa ku Julu, abo bakali kulanga mukati a kulingaula, kuziba ikuti na ezi zintu zya kali bwini na pe. Elyo inga tii calulama mbuli Leza kutuma Baangelo Bakwe kujoka kuya kuvwentauzya akuziba, kakutanaba buyo lunyonyooko lupati kusika? Elyo sa mwakabona? Kwakali Angelo omwe Oyo wakasika, Oyo wakaswaya mudaala wakabambila Leza muzeezo, alimwi wakali kupona, kasampaulwa a nyika, mu tente kunze lya lukula, nkaambo muntuumwi waka sala a kubweza lubono lwakwe loonse. Pele wa kati, “Eco cili kabotu. Ndiyo kkala buyo awa mu luyando lwa Leza.”

⁵¹ Inga ndasala kuba mu luyando lwa Leza kwiinda kuba a mali oonse nyika nga konzya ku kugwisya kuli ndinywe.

⁵² Elyo kufumbwa buyo muzeezo oyo wamamanino wakabambwa, mpawo Angelo wa Mwami wakasika kuli Abrahamu a kuti, “Amulange kujwe, kumbo, kunyika, a kumusanza. Yoonse nji yanu, Abrahamu.”

⁵³ I Magwalo ala twaambila, “Balacoolwe abo babombe: nkambo bayo kona nyika.” Ino cibamba lwandaano nzi? Zintu zyoonse zya nyika ziyoloba a nyika, pele Leza takonzyi kuloba.

54 Alimwi Ndila syoma mbuli, Ndi sololelwa kusyoma, nkokuti, ikuti na cifoto ca Angelo wa Mwami Oyo uboola a kucita kutweluka. . .

55 Sena mwakabona Angelo Oyo wakasika kuli Abrahamu? Wa kali jokede sule Lyakwe ku tente, cindi Na kali kwaambaula kuli Abrahamu, a kuti, “Ndiyo bamba cisyomezyo Cangu kuli nduwe.”

56 Oh, ino Mulumbe wa Angelo wa Leza mu buzuba buno, Oyo uyo bamba cisyomezyo Cakwe! Konse kutasyoma kwa inyika, basikudonaika, muntu udonaika kuba kwa leza, abahedeni, a batasyomi, taba ka bambi Nguzu zya Leza kubula nguzu. Ciyo citika mbubonya buyo.

57 “Njo yeeya cisyomezyo Cangu, nkabela Ndiyo bamba cisyomezyo Cangu kuba kabotu.” Elyo Sarah wakaseka mu tente kunze Lyakwe.

58 Elyo a sule Lyakwe kalifutete ku tente, Wa kati, “Nkaambonzi Sarah waseka?”

59 Elyo Sarah waka zuza kuzwa a kwaamba, “Nse seka,” nkaambo waa kali yoowede.

60 Ino wakali Muntu nzi oyu? Ndalibuzya na wakali Mulindizi uli buti wakali atala mu ngazi kaindi? “Ino musyobo nzi wa bubebwabuntu buli boobu andiswe, a sule Lyakwe kalifutete kuli ndime, elyo nekubaboobo wakaziba kuti Nda seka, mu tente?” Amuyeeye, Wa kali Mulindizi.

61 Elyo Wa kavuuluka, nkabela Wa kati, “Iyi, waka seka.” Elyo waa kayoowa.

62 Lino, tula bona alubo, kuti mu buzuba buno kakutanaba buyo Kuboola kwa Mwami, aba Zilenge nzyoonya zyeede kubweeda alubo. Elyo Nda libuzya, mbuli mbo tulanga koonse a kubona bupange bwa Ngawo, amulangilile eco Ncoba cita, alimwi Nda yeeya ikuti kunji kwa kuboneka oku kwa maseseke tacili mbubonya eco Jesu nca kaamba kuyo citika. “Kuyooba zitondezyo mu majulu atala. Elyo mu nyika kuyooba mafwabi akati ka masi, makataazyo aa ciindi, mizuzumo yanyika mu masena aansinisini, elyo baalumi kabafwa ku kuwizuka kamyoyo.” Kutali banakazi; baalumi. Banakazi kanji tabafwi kupenzi lyamoyo. Balo mbaalumi. Ci zulizya eco Jesu nca kaamba kuyooba. Nce ncico neonzya Nca kaamba kuyooba.

63 Elyo mpawo mbuli mbo tukonzya kuzumanana, oora a oora, aa basinsimi boonse, obo mboba kasinsima zya buzuba buno. Ncinzi cikonzya kubamba umwi koompolola kuti, “Omulindizi, ino ali buti masiku?”

64 I Pentagon tai jisi bwiinguzi. I United States ijisi bwiinguzi. Germany, Russia, taakwe yayo ijisi bwiinguzi. Sayaansi tai jisi bwiinguzi.

⁶⁵ Nguni ujisi bwiinguzi? I Mulindizi, uli atala Iya bulambo, ngu jisi bwiinguzi. “Omulindizi, ino ali buti masiku?” Elyo Muuya Uusalala ngo nguwe oyo Mulindizi uli mukubamba bantu, a kupa kucenjezya kuzwa kuli Leza. Wa kabukkwa kali Mulindizi. Twano bona baciswa kabaponesegwa, meso moofu kaajuka, matwi masinke kalesegwa, basunkuta kabeenda, balema basunkuta. . . bakasotauka mbuli mbaambi. Kuzulizya i. . . Ino ncinzi? Kwalo Nkuboola kwa Mwami, kubindaanina.

⁶⁶ Elyo zintu ezi zyoonse, a kucenjezya oku! Elyo bantu bala bindaanina cakuzumana kwinda mu maparti abo amakoko, kusikila ku ziindi zyabo ziyabufuba. Elyo bala sangabalisa. “Elyo bala zyana, alimwi bala Iya, a kunywa, nkabela bala kwatana, alimwi bala pegwa mu lukwatano,” mbubonya mbuli Leza mbwa kaamba kuti ciyooba. Taakwe nzila yaku balesya.

⁶⁷ Mpawo ikuti na mwalangisya, mu bukkalo obu bupati bwa mbungano, kweendelana ku Ciyubunuzyo 3, ku bukkalo obu lino kwakali imwi yaka pegwa Nyenyeezi yaku Bucedo, kakutanaba buyo Kuboola.

⁶⁸ Amulange obo Isaya mbwakali Simalembe cindi nakati, “Omulindizi, ino ali buti masiku?” Wa kati, “I cifumo cilasika, alimwi alo masiku.” Ncinzi? I cifumo cilaboola, pele masiku ala citangunina cifumo. Cakali cinzi? Muntu oonse ulizi eco kakutanaba buyo kupasuka kwa buzuba, nkoonya ku maora akuboola kwa buzuba, inga kulasiya maningi kwinda mbo kwabede lyonse.

⁶⁹ Oh, beenzuma bangu, amuswiilile kuli MBUBOObU MBWAAMBA I MWAMI. Ikuti na mudi langanya kuba mulanda Wakwe, kulafwi kuba kupasuka kwazuba. Ako nkekaambo oku kusiyasiya kubyaabi ncokuli atala Iya nyika. Kwalo nkutandila ku Kuboola kwa Mwami Jesu. Takucikwe bulangizi busyeede muli cimwi pele Kuboola Kwakwe.

⁷⁰ Masi ali Iwana masi. Elyo beena kwinda mu labbotatori ya Leza mane bajisi nguzu zya kubbotolana umwi amwji kuba twe Iya atomiki. Alimwi balo mbabi, alimwi tabali bakombi, alimwi tabali mbuli Kristo. Elyo kuyanda komwe nkoba jisi, a kukanza, nku nyonyoona. Elyo bali nanikidwe kwiinda kuli angelo uunonyoona oyo wakatumwa kuzwa ku julu kuti asanye bantu aba.

⁷¹ Anda ambe, mu Zina Iya Mwami Jesu, Muuya Uusalala utuminidwe mbuli muna Langilila ngazi. Elyo mbuli bantu mbo balila, “Ino busiku nzi?” Sena mwa katala ku buumi obu? Sa mwa katala ku cibi? Sena muli mukukatala ku bweende bwa dilwe, a malwazi, a kutalemekaleza mu maanza oonse? Sena busiku bwakali kulampa a kudekela? “Ino busiku, Mulindizi?”

Wa kati, “I cifumo cilasika.” Mwabona kuumbulizigwa?

⁷² “Elyo busiku abwalo buli mukuboola.” Ino busiku ninzi? Amulange obo mu lumvwano lulondokede a Lugwalo, Isaya

mbwakabede. Mu bweende bwalyonse bwa—bwa bulenge, lyoonse obo buswena kwa zuba lilemya mudima atoomwe akucibamba kusiya. Kula siya maningi kakutana kuca kuli konse kwinda ciindi cili conse mu busiku. Nkaambonzi? Nku boola kwa mumuni ukubamba kusiya.

⁷³ Alimwi nku boola kwa Mwami Jesu eno kuleta kusisiya oku atala a nyika. Sa Ta kaamba kuti, “Cindi zintu ezi zyatalika kucitika, lungumanya mutwe wako mujulu, nkambo lununuko lwako lwaswena afwaafwi?”

⁷⁴ Palestine ncisi. Iba Juda bakajokela kuzwa koonse ku nyika, alimwi baka bikkwa okuya kuzo Mu bona kaboola, mbuli Leza mbwa kaamba kuti bayo cita. “Amwiiye cikozyanyo ca musamu wa bukuyu, cindi yabikka delema lyawo.” Wa kati, “Mbubonya mbo kuyooba kuti nzyalani eyi tai kamani, tai kalobi pe, tai kagoli, kusikila zintu ezi zyoonse ziyo citwa.” Nzyalani nzi? I nzyalani eyo iibona musamu wa bukuyu kaubikka delema. Israyeli lyoonse yakali samu lya mukuyu.

⁷⁵ “Eco diingo ncolya kasiya, inswabaanda yakalya,” lyakaamba Joeli. “Eco camusokonya nca kasiya, civunyu cilivunga cakalya. Alimwi eco civunyu cilivunga nco cakasiya, cisozi cakalya.” Elyo ikuti mwalangisya, eco ncuuka comwe. Kamwi kauka ako kakalya kuyansi ku cisamu, kalo nkauka komwe, biyo mu ziimo zyandeene. Elyo cibi nciconya a kutasyoma oko kwakatalika kulya ba Juda, kuti, “Jesu takali Kristo,” eco cakalya eco cisamu mane cakaba cifumpu buyo. Alimwi musinsimi wa kacibona, nkabela wa kalila. Pele Mwami wakati, “‘Njo boozeya,’ mbwaamba Mwami, ‘yoonse myaka bacamusokonya, a cisozi, a diingo ncolya kalya.’”

⁷⁶ Elyo ku ciindi citaanzi kwa myaka ili myaanda ya makumi obilo ayosanwe, ba Juda bali mukujokela ku nyika yabo yakuzyalilwa. “Eyo nzyalani tai kamani pe, tai kalobi, kusikila ezi zintu zyonse zika zulizigwe.” “Mpawo Njo tila Muuya Wangu mu mazuba aakumamanino,’ mbwaamba Leza, ‘atala lya bana Bangu balombe abasimbi, nkabela bayo sinsima. Elyo Njo tondezya zigambo.’”

⁷⁷ I balwazi bali mukuponesegega, inguzu zipati zili mukucitwa, kwiinda ku Muuya nguonya oyo waka kkede a kukonzya kwaambila Abrahamu kuti Sarah wakaseka mu kaanda kunze Lyakwe.

Mpawo tula ompolola, “Omulindizi, ino ali buti masiku?”

⁷⁸ Elyo wa kati, “I busiku bulasika.” Amulangilile. I busiku, lutaanzi...I cifumo cila boola, lutaanzi. Mpawo, masiku, akwalo.

⁷⁹ Kakutanaba buyo ku pasuka kwa buzuba, kuli mumuni omwe lyoonse mupati oyo wakabikkwa mu majulu, alimwi eyo ni nyenyeezi yaku bucedo. Cindi wabona nyenyeezi yaku bucedo kaimweka, kumweka a kubalama maningi, mpawo nyika iya

busiyaloko a kusiya. Elyo nke kaambo ncobu mweka maningi, nku kaambo kakuti nyika ilasiya maningi.

⁸⁰ Elyo Mbungano ya mazuba aya aakumamanino, itegwa a Mubili musale wa Kristo, waka syomezegwa ku Bbaibbele kuti Uyo bapa Ntanda yaku Bucedo.

“Mulindizi, ino busiku nzi? Ncinzi ciyo citika?”

⁸¹ Nceeci we. Kunyonyooka kumaninide kula boola ku inyika yoonse. Pele lunyonyooko olo lutana citika cakumaninina, Mbungano ya Jesu Kristo iyo njila mu Kukwempwa, kuyo swaana Mwami Wakwe.

⁸² Ino ntanda yaku bucedo icitaanzi? Ncinzi cibamba nyenyezi kumweka maningi ku ciindi eco? Nku boola kwa zuba. I nyenyeezi yaku bucedo ilatondezya mumuni wa zuba. Nyenyeezi zimwi ziboneka kuzima ku oora eelyo.

⁸³ Loonse lwiiyo lwabukombi lwakabambwa aabantu, koonse kutontola, kwiimpana kwatulengwa kuya kuyuminina. Pele oyo muntu mulindizi kakkede kutala okuya ku ngazi, a Nyenyeezi ya Bucedo, iyo tondezya Mulumbe wini wa Mwami Jesu kuswena cakufwambaana, nkaambo Walo uumweka a uumweka, ciindi coonse, mbuli zuba mbo litalika kutanta.

⁸⁴ Oh, inga Nda amba, ntanda zya bucedo, kubuka a kumweka ku bulemu bwa Leza, nkambo kuswena kwa mudima akati kamasiku kuli aa nyika, a mudima usiyambi atala lya bantu. Pele cifumo cila boola, a nyenyeezi zyelede kupa mimuni yazyo.

⁸⁵ Amuyeeye elyo oora libyaabi lilanganya inyika yoonse. Amuyeeye oko kusiyasiya kubyaabi kulanganya muntu onwe utana futulwa sunu. Masi onse, a malundu onwe, a mpulazi zyonse maanza onse mobapegwa bulemu mukati, uyo bambwa kuba musili, ku itwe lya volukkano alimwi, mu kaindi kaniini, mu kulaba kwa liso.

⁸⁶ Pele abo bayanda Mwami, abo bajisi Mumuni wa Ntanda yaku Bucedo, kuti baya kubikka—kubikka meso aboa kuli Nguwe, akuzwa ku zintu zya inyika! Elyo mbuli Paulo mbwa kalemba mu lugwalo lwakwe lwa kujala, katana kuzwa aa nyika, wa kali katede, a kulibilika, a kukatala. Oh, obo mbo Ndi limvwa kuba Juda oyo muniini. Cindi na kati, “Ta ndilekeli penzi lyomwe. Nda kalwana nkondo mbotu, alimwi Nda manizya lweendo lwangu. Nda kabamba lusyomo. Elyo kuzwida lino kuli musyini wa bululami oyo Mwami Mubetesi uululeme uyo ndipa ku buzuba obo.” Mpawo wa kayeeya nyenyezi zya bucedo kaziboola, wa kati, “Kutali buyo kuli ndime, pele kuli boonse abo bayanda kulibonya Kwakwe.” Oh, “Lungumanya mitwe yanu, lununuko lwanu lwaswena.”

⁸⁷ “Omulindizi, ncinzi cicitya pepa kwaamba ceeci? Ncinzi cicitya sayaansi kuyoowa kweenda? Ncinzi cicitya Pentagone kukanduka kumwaya makani?” Nkaambo bantu bakali kunga

batumbuka a kunjizya mali abo mu tugwagwa, azintu. “Ino ncinzi cinga . . . Ndipenzi nzi? Ino ncinzi? Ino busiku nzi?”

⁸⁸ “I cifumo cilasika.” Mbo mbubo. Ino coonse cijatikizya nzi? Ku bamba cifumo, kusika, kubindaanina kunembo ku Mumuni. Ku panga mudima usiya mbi kusika kautana boola Mumuni kuti umweke.

⁸⁹ Ndili kkomene kapati kuba Munakristo. Ndili kkomene kapati kuti Ndili mulindizi Wakwe, umwi wabo, oyo wiimvwi atala lya bwaanda, kaompolola kuti, “Amuli bambile kuswaana Leza, ku oora lya Kuboola Kwakwe kuya buswena.”

⁹⁰ Elyo nywebo, omuno mu mbungano cifumo cino, ikuti na kuli umwi utali masimpe kuti Ntanda yaku Bucedo ila tondezya Mumuni Wayo mu moyo wako, Muuya Uusalala mulemu, akube kuti uli bambile ceeco. Nkambo kuli kumwi kucitika kupati loko oko kucitika, kulaafwi ncobeni eno. Twi imvwi kumpela, katu langilila dirama kabambwa.

⁹¹ Nda keebelezya zipekupeku ziindi zinji, obo mu Hollywood a mu masena aindene, kababamba madirama abo. Elyo nzila mbo batola nyenyeezi zyabo, a zimwi zimbi, a kuzibamba koonse. A nzila mbo babaiisya a zintuzyonse dirama mpati kaitananga citika. Nda kagambwa lyoonse kwi langilila, a kuziba kuti yakali yakukkopela.

⁹² Zyonse zintu zyakukkopela zyakapangwa kuzwa ku zintu zini. Takukonzyi kuba dollar yalweeno kusikila kuli imwi ya kasimpe. Taku konzyi kuba sikuupaupa citakuti kakuli Munakristo wini. Ta kukonzyi kuba mulumbe wa bubeji cita kuti kuli Umwi wakasimpe. Ta kukonzyi kuba busiku cita kuti kuli buzuba. Nincobeni!

⁹³ Alimwi mbuli Mbwe kabeebela kababamba madirama abo, alimwi Nda kayeeya, “Oh, twi imvwi kulaale kutala lya ngazi, kulaale kwiinda cintu cili coonse mu nyika eyi, alimwi tu langilila zintu zipati maningi; bweende bwa ciindi, a Kuboola kwa Mwami.” Cakufwambaana, “Ciindi tacikabi limbi.” “Takukabi limbi ciindi,” a Kuboola kwa Mwami.

⁹⁴ Elyo sikulwanakristo, uli jisi balelwa bakwe bakkede alya. Ujis kkomunizimu. Ujisi buzumini bwandeeene: ujisi busicikombelo, ujisi Bunakatolika, ujisi Bunaprotetanti. Uli jisi zintu zyoonse zibambidwe, ku bamba kutondezegwa kupati.

⁹⁵ Pele Ndili kkomene kapati kuti kuli Taata ku Julu, Oyo ujisi ziimo Zyakwe zibambidwe, awalo, ku cisobano eci cipati. Cindi sinkondonyinakristo abatola mu lweeno olu lwa zintu zyoonse, akwalo ku ciindi, Leza walibambila mu dirama Yakwe yakusumpula Mbungano Yakwe kuya mu Butamani, mu zilao zya kukomana zya Butamani, a Leza Mwini. Cindi, eyi mibili ya kaindi iyo cincwa a kubambwa mbuli ku Mubili Wakwe Wini wabulemu, alimwi bubu obu buyosama citafwiki, alimwi mu bukozyanye Bwakwe tuyo ima kwalyonse.

⁹⁶ Amulange! Nywebo nomu langilila cipekupeku, nywebo nomuswiilila ku redio, nywebo nomubala mitende yanu, nywebo nomuyanda kumvwa makani alimwi mulagambwa kuti eci ncinzi, amuswiilile ku jwi lyangu: “I cifumo cilasika, elyo busiku bula boola akwalo.” I cifumo ciboolela abo bali bambilide ku cifumo, alimwi masiku aboolela abo batali bambilide cifumo. Akube kuti Leza abambe myoyo yesu sunu.

⁹⁷ “Nkambo cifumo ciya kupasukila mu Butaman bubotu abumweka.” Elyo mbuli sikuyabila mbwa kaamba, “Bantu bakwe basalidwe bayo bungana ku maanda abo kwiindilila mulengalenga. Cindi kuzulwa nokuyo itwa kutala, Ndiyo bako.”

Atu kombe.

⁹⁸ Mu oora eli lya kusiyasiya atala lya nyika, a lunyonyooko luli afwaafwi, Mwami Leza, tu li. . . Ta tukonzyi buyo kupandulula nzila mbo tumvwa, a kulumba akulumbwa mu moyo wesu, kuti Jesu Kristo waka seluka kuzwa ku Bulemu, alimwi waka bambwa kuba muntu mbuli ndiswe, wakakkala akati kesu. Elyo mpawo cindi Na kafwida zibi zyesu, kaboola kwiinda mu nzila ya Paradaiso, a kubweza myuuya ilindila, kumwaya mu nguzu zyonse zya kumuuya dyabulosi nzya kaanzia nyika, a kupanga mweengo, aboobo mumuni wazuba iwa luzyalo lwa Leza Lutamani wakali kukonzya kumweka ali baabo bali bambilide ku citambula.

⁹⁹ Leza, kopa sunu, kuti bantu koonse bayo binda, kubinda, kunjila mu Bwami, nkambo Mulumbe lyoonse wakali cibukilambuta. “Amubinde, amubinde, amuzwe!” i Angelo wakati, mu Sodoma, “Ta ndikonzyi kucita cintu kusikila wasika okuno.” Mwami, kopa, kuti nekubakuti Mulumbe uuzwide luzyalo, a nguzu, a luyandisyo, nekubaboobo nku sungilizya. Kopa, Mwami, kuti bantu basike cakufwambaana a kutambula Kristo akuzulwa Muuya Uusalala. Nkambo Jesu wa kaamba, “Abo bali ba Leza, amumvwe Majwi aa Leza.” Akube kuti baboole a kweempwa zibi zyabo, ku bapatizigwa mu Zina lya Mwami Jesu, ku kujatilwa kwa zibi zyabo, a kuzuzigwa Muuya Uusalala; ku bamba buntu bwabo mu ciimo obo mbungano ntaanzi mboya kabede, aboobo mbo ciya kuba cindi Wa boola.

¹⁰⁰ Tuli lumbide ku Mulumbe, a kukomba kuti Uyo Cilongezya, Mwami, ku bubotu bwa myoyo yesu, mbuli mbo tu lindila kuli Nduwe. Mu Zina lya Jesu twa lomba. Ameni.

¹⁰¹ [Kabeela katakwecintu aa teepu. Sikulizya piyaano watalika kulizya *Cindi Ba Kulizya Milangu Mibotu.*—Mul.]

Omwe a omwe tuyo jana mulyango,
Okuya kuyo kkala a batafwiki,
Cindi balizya milangu eyo ya ngolide kuli
nduwe a ndime.

¹⁰² Sena mula Mu yanda? Lino, mulumbe koonse, atu Mu kombe buyo mbuli boobo, mu Muuya. Buyo. . . Uli waano. Majwi,

mapati asinizizye, pele nga bwini. Nda kanana mu Zina Iya Kristo. I kuswena kwa buzuba. Ikuti na undi langanya... Ndi yanda eci... [Kabeela katakwecintu aa teepu—Mul.]

...yebo a ndime.

Atu tambike buyo maanza esu.

...mula mvwa...

Sena mula mvwa Baangelo kabaimba?

Ngu Jubbili yabulemu bwa aleluya.

Mu bubotu obo bulikule bwalyonse,

Kwiindilila buyo mulonga uumweka,

Cindi balizya milangu eyo ya ngolide kuli nduwe...

¹⁰³ Kuciindi nalizya ceeco alubo, atusukane buyo maanza a muntuumwi munsu lyako!...?...

...bubotu kwalyonse,

Kwiindilila buyo...

Cindi i...kusika biyo ku nkomwe eyo ku lusyomo...

¹⁰⁴ Amwaambe buyo kuli umwi aumwi, “Muzwamasi, Ndili kkomene kapati kuba a ndinywe.”

...omwe tula jana mulyango usakatidwe,

Okuya kuyo kkala a batafwiki,

Cindi balizya milangu eyo ya ngolide kuli nduwe a ndime.

Sena mula mvwa milangu eno kiilila?

Sena mula mvwa Baangelo kabaimba? (Ino ncinzi?)

Sa bulemu aleluya Jubbili.

Mu bubotu obo bukule bwalyonse,

Kwiindilila buyo mulonga uumweka,

Cindi ba kulizya eyo...

¹⁰⁵ Eco cakaleta buyo cintucimwi ku mizeezo yangu. Mukaintu wangu, kusule okuya, ula ciyeeya kabotu. Nda kajisi coolwe ca kuswaya mbungano yakaindi yaku Pisgah, Cikolo ca Bbaibbele mu California. Nda kajisi kuswaangana ambabo busiku bomwe. Eyo ni ng'anda yanguzu, yakaindi ntaanzi. Ino mbusena bubotu! Nda kaswaana mweembeli, Mukwesu Smith. Nywebo mulizi, bali mukulembela pepa. Ba jisi lugwasyo. Taakwe noba kabwezelela mulumbo. Zintuzyonse nzyakupegwa buyo. Alimwi bakaliko kwa myaka ingambya ili makumi osanwe. Ca katalika a dokotela oyo wakali kusunkuta, kaboola ku California ku lugwasyo. I dokotela wakati, “Taakwe cintu cikonzya ku kucitila.”

Nda syoma wali Mwii. Price na umwi, oyo waka mukombela, kutala mu kaanda cifumo cimwi. Ta kajana micelo ili yoonse, kulibonya, mpoonya awo. Eco ta caambi cintu cili coonse.

Aboobo, wa katalika kweenda. Wa kati, “Bumwi, bumbi, Nda syoma, nekuba.” Elyo cindi na katalika kugwisya cituta cakwe kuzwa kumpela, kuulu kwakwe kwakali kusunkuta kwa koololoka. Wa kayaka Muunzi wa Pisgah.

¹⁰⁶ I busiku bumwi Nda kali kokuya, nkekambauka. Ba kali syankene mu auditoriamu eyo mpati, alimwi myaanda taimuzi myaanda kabaimvwi moonse mu tugwagwa a zintuzyonse, oko nkoba kanjila kusule. Elyo Mulumbe niwa kamana, cintucimwi cakacitika, zintu zyobilo ezyo Nze takapa bumboni mu buumi bwangu. Teeba kali biyo nkamu ya bantu bakali kuyandisya kupanga coongo. Teeba kali nkamu ya bantu baka kkede, akuyuminina. Ba kali bantu bakazulwa Muuya. Elyo Nda botelwa luswaanano olo lubotu. Elyo cindi ni twa . . .

¹⁰⁷ Kwalo Nke taninga kuyo pailila baciswa, bakatalika kwiimba cintucimwi cibotu mbuli eco. Elyo Nda kaima, nkabela Nda ka gambwa. Nda kati, “Kuli cintucimwi cicitika awa. Nse mvwisiyi.” Nda kaswiilila alimwi, elyo Nda kamvwa kkwaya zyobile. Nda kati, “Ku leelede kuba cintu cimwi cilubide.” Elyo Nda kazunganya mutwe wangu. Elyo, ku matwi angu, alubo. Nda kati, “O Mwami, ndiza nkujokoloka kuzwa ku kkwaya eyi *awa*.” Nda mvwa umwi uboola atala *awa*, atala eni, magebbo malamfu kapati. Nda kati, “Ceelede kuti cili atala alya.” Aboobo Nda kazwa mu cilindi ca bakautasi, kuya atala awa ku cibeela ca kkwaya atala. Yakali atala alya.

Elyo Nda—Nda kati ku mukaintu wangu, Nda kati, “Sena wamvwa eco, oyandwa?”

Waa kati, “Ino ncinzi eco?”

“Mucizi Arganbright,” Nda kati, “sena wamvwa eco?”

Waa kati, “Iiyi. Nda kacimvwa lomwe kale, mu buumi bwangu.”

Nda kaunka ku Mukwesu Arganbright, “Sena wamvwa eco?”

“Iiyi.”

¹⁰⁸ Boonse a mitwe yabo kiikoteme, kabaimba. “Oh,” Nda kati, “ndiza . . . Ndi—Ndi yanda kuba masimpe. Nse yandi kuba sikudonaika, pele, Mwami, ikuti na Ndime kamboni Wako, ikuti na Nde elede kuba mulindizi, Nde elede kuziba eco nce Ndili mukwaambaula. Nde elede kuba masimpe kuli ceeci.”

¹⁰⁹ Mbuli kuponesegwa kwa Buleza, ikuti na Nseli masimpe, Nse kaambi cintu kujatikizya nkuko. Ikuti na Nseli masimpe kuti oku Nkuboola kwa Mwami, inga Nse amba cintu kujatikizya nkuko. Nde elede kuba masimpe.

¹¹⁰ Nda kajokela ansi mu mulindi alubo. Nyoonse a mitwe yabo kiikoteme.

111 Elyo lwiito lwaku cipaililo, bantu banji babikka maanza abo mu mpulungwido, kaba boola kuli Kristo. Elyo bakali kwiimba. Cindi Ne kasika anselelo awa, Nda kati, “Mwami, ta cikonzayi kuba. Aba bantu baimba kunselelo *awa* bakali buyo bantu bazizilwe, pele eci atala *awa* cakali kumvika mbuli kuti cakali bace. . . Ndiza bali zyuulu zyobilo a zyoatwe kabaimba, *awa* pele caka libonya mbuli kuti antela kulaba bali zyuulu zya mwaanda atala *awa*.” Alimwi lyaka limwi lya majwi mabotu kapati, saprono win waatala, mbuli majwi abanakazi. Nda kaswiilila, alimwi kakubimba buyo koonse aali ndime.

112 Nda ka jokela alubo aniini buyo. Nda kaswiilila. Nda keenda kumbele, aatala. Ndaka joka, nkaambo baka zumanana buyo kwiimba mu Muuya. Nda kaswiilila alimwi. Tii lyakali jwi *eli*. Nda kakonzya kubamvwa kunselelo *awa*, musyobo omwe wa jwi; a oyu atala *awa*, musyobo umbi wa jwi.

113 Aboobo cindi kuswaangana nikwa kamana, Nda kati ku mweembeli, “Mweembeli, Nda kamvwa cintucimwi ceenzu.”

Kati, “Ino cakali cinzi, Mukwesu Branham?”

114 Nda kati, “Nda kaamvwa ii—ii majwi a sapulano a banakazi, majwi akayiisigwa atala, i babotu kwiinda Mbe kasola kumvwa mu buumi bwangu, mutala *omuya*.”

115 Wa kati, “Kwa kamvwide ziindi zinji awa, Mukwesu Branham.”

116 Nda kabala baama bakaindi. . . Oh, Nda luba zina lyakwe lino, eelyo lyakali kukombela balwazi. Elyo busiku bumwi mweembeli nakajala nkambauko yakwe, mutumbu muniini waka selemuka kuyo kombela balwazi. Waa kajis bana basanwe na cisambomwe bakaliko, a nguwe. Elyo waa kaleka nkabela waa kaswiilila loko. Elyo ngu Muka. Woodworth-Etter, ambweni nyoonse mwaksola kubala bbuku lyakwe. Elyo waa kamvwa, waa kati, “Ikkwaya kaiimba aatala lya kwiimba mu mbungano.”

Na kamana majwi, ansi *awa*, Lya kacili kwiimba, mwabona. Elyo Nda kaimikila alya.

117 Elyo mpoonya awo, kulaale kusule lya buyake. . . Mwabona na mbocili muncililano, kabotu? Lino, Nda—Nda syoma mu kwaambaula mu myaambo. Ndi syoma kuti ncipego ca Leza, eco cili mu mbungano. Ndi syoma kuti cakabeleseghwa buteensi mbuli ambi Magwalo mbwa kabeleseghwa buteensi, pele nkocili cini. Iiyi. Elyo oyu muntu wakabuka kusule lya buyake, kaindi loko, a kwaamba makani aa mabala aali one na osanwe mu mwaambo umbi. Kutali—kutali buyo ii. . . Bwa kali ii—ii bwaambe bwamabala. Inga wamvwa. Onse waka lumwide.

118 Elyo Cintucimwi cakeenda tala lyangu, Nse kajisi bupanduluzi, mu buumi bwangu. Elyo Nse kacibelesya kale kaindi, nkaambo Nda kali yoowede. Ezyo zintu nzya Leza. ncibotu utali cenge kuli nzizyo.

119 Elyo Cintucimwi cakati kuli ndime, “I mweembeli uyo komba mupailo wa lusyomo.” Nda cita kujata mulomo wangu. Elyo Nda kalindila. Elyo mpawa Ca kasika alubo, yuwe kali boola atala, a kuti, “I mweembeli uya kupaila mupailo wa lusyomo.”

120 Nda kayeeya, “Mwami, Nse jisi zipego zya bupanduluzi. Lyangu nku kombela balwazi, aboobo Nse jisi zipego zya bupanduluzi.” Elyo Nda kajala mulomo wangu alimwi ndakaima nji.

121 Elyo mpawo buyo mweembeli wakabuka a kutalika kukombela balwazi. Oh, Ngu Leza! Malwazi akaponesegwa, koonse ku buyake, masena oonse. Ino ncinzi? I kupasuka kwa buzuba. Ngooyo mutabi muniini ucisyeede. Muta pengi. Leza tanaba a kamboni.

122 Kusyoma lino kuti maseseke mapati, amwi, ndiza kutali mu jwi lya Baangelo, pele cintucimwi ciyo lekela basizibi boonse, ikuti na kuli bali boobo mu buyake obu, kuziba kuti busiku buya busiya a kusiya maningi atala lya ntika, a mudima usiyambi. Pele Kuboola kwa Mwami kuli afwaafwi, ino cicita nzi. Elyo mbuli mulindizi wanu, inga Nda amba, “I cifumo cila boola.” Amu libambile, ntanda zya bucedo, kumweka!

123 Mbangaye bayanda kwiibalukwa mu mupailo wa kujala katutana unka? Tambika buyo janza lyako.

124 Oyandwa Leza, Ula bona bantu mbuli mbo batambika maanza abo. Elyo bali sinizizye muli ceeci. Bunji bwabo abo balingula mitende, baka lingula basilwiyo lwabulenge, mabbuku a zyaano zya zintu ziindene, pele nekubaboobo taba konzyi kujana bwiinguzi. Pele nceeci caboola, cifumo cino, mu Bbaibbele. “I cifumo cilasika, elyo busiku bula boola akwalo.” Elyo twa komba, Leza, kuti Uyo longezya bantu boonse awa, abo batambika maanza abo. Alimwi Yebo ulizi cili kunze lya janza eelyo lyatambika. Elyo, Mwami, Nda syoma kuti mpoonya awo mpo bakkede lino, kuti Leza ulikokonse ulakonzya kupambula kuli mbabo lukono lwabo lwa Muuya ndo ba yandaula ku oora eli. Kopa umwi aumwi, Mwami. Nkambo ka Ijwi Lyako a kuyanda kwabo, alimwi kwa cisyomezyo Cako ca Buleza eco citakonzyi kukakilwa, akube kuti batambule eco nco batambika maanza abo, mbuli Mbwe pa mupailo oyu mu kulilemeka kwabo. Mu Zina lya Mwami Jesu, akube kuti batambule. Amen.

Leza abe a ndinywe.

125 Lino tu jisi buyo ciindi cisyoono ca i. . . Lino tuyo kombela balwazi. Ndili kkomene kapati kuziba kuti kuli bulangizi bwa balwazi. “Ndime Mwami Oyo ujatila milandu yanu yoonse, Oyo uuponya malwazi anu oonse.”

126 Elyo Mebo, cakugambya buyo mbuli mbo cibede, Nda katolwa kaindi kainda, ku mutumbu mukubusyi kalede aa cibwezelo eci. Elyo walo ii—ii ncisaalo ca bulwazi bwa Hodgkin.

Elyo Ndi syoma kuti mbanyina bakkede alya anguwe. Ndili masimpe loko. Iiyi, mbo mbubo, kuti oyu mutumbu wakali kundaambila mwana wakwe, elyo Nda kali kusola ku muyumya.

¹²⁷ Elyo kwiita buyo, akwalo, kwamana mulumbe oyu. Nda limvwa kuti lufutuko ncintu citaanzi. Kuponesegwa nkuvwalu. Ii kuponesegwa inga kwagola ku mamanino aa buumi bwako, myaka minji. Inga cakupa kukkomana a lutangalo kuciindi noli ano aa nyika, pele ciyo leka kubelesya yako...ku lufu lwako. Pele buntu bwaka futulwa, buli jisi Buumi Butamani. Ta bukonzyi kuloba, na taakwe cikonzya kusola ku bugwisya kuzwa kuli nduwe. Bwa kainka mu Mabbuku a Leza, kuya kubusigwa ku mazuba akumamanino. I cintu cipati nciyu citaanzi, “Lutaanzi, Bwami bwa Leza a bululami Bwakwe, zintu zimbi ziyo yungizigwa.”

¹²⁸ Ndi yanda kupa bumboni bomwe buyo bwaku ponesegeka kwa bulwazi obu bubyaaabi obo mwanakazi oyu mukubusyi mbwa ciswa. Elyo kwakali ciindi cimwi cainda...Ndiza nkobali cifumo cino. Nseli waano kanjikanji kuziba kuti nguni. Bunji bwanu Nse zyi. Pele kwakali musimbi mukubusyi omuno mu cikolo cesu cipati. Elyo waa kali kuciswa obu bulwazi bwa Hodgkin, elyo waka tolwa kuli dokotela, ku cikoto ezi zipati cipasuka ali nguwe. Elyo baka bweza kabeela ka mulwi a kukatuma, kuziba mbo kakabede. Alimwi caka bweeda, “Bulwazi bwa Hodgkin tabusilikiki.”

¹²⁹ Elyo banyina teeba kali kuyanda mwana kuziba lyakali penzi lyakwe. Elyo bamadokotela baka kuwaizya banyina kumuleka buyo kuzumanana kuya ku cikolo, nkaambo waa kajisi mazuba manji akupona. Kumalekelo bwa kanyonganya moyo. Alimwi bulwazi bwa Hodgkin mbwa kkulenge, tu lizi obo, mu ciimo. Aboobo ba katuma i—i musimbi mukubusyi kujokela ku cikolo, kuti afwe.

¹³⁰ Banyina bakali kubukililwa. Elyo waa kandi tumina fooni, a kuti, “Ndi yanda kumuleta. Pele Nda mvwa, Mukwesu Branham, kuti mu mindando ya mipailo, ziindi zinji, mulaita malwazi cindi mwaba a bunanike bwa Muuya.” Waa kati, “Sa inga waba musyobo loko, ikuti na Muuya Uusalala wayubununa cintu cili coonse kujatikizya mwana, kutali ku caamba?”

¹³¹ “Ee,” Nda kati, “Nse yeeyi kuti inga Uyo ciyubununa, ikuti na Ta kali kuyanda kuti cizibwe.” Nda kati, “Nse yeeyi boobo. Elyo ku cikombelo cangu okuno, Nse jisi misyobo eyo ya miswaangano.” Nda kati, “Ndi kombela buyo balwazi.”

¹³² Elyo mulindu mukubusyi wakanjila mu mundando. Elyo Nda kabuzya mutumbu, “Sena uli Munakristo?”

Waa kaamba, “Peepe.”

Nda kati, “Sena musimbi Munakristo?”

“Peepe.”

133 Nda kati, “Eyo nje nzila iyoosya ya kuzwa mu nyika.” Elyo Nda kati, “To kamuboni alubo, ikuti na waa njila mu ciimo eco.”

134 Aboobo cindi mulindu mukubusyi naka njila mu kaanda cifumo eco. . . Elyo kainda moonya muni lya busena obu mbubonya oko musimbi mukubusyi nkwa kakombelwa; aboobo oyu musimbi mbwa yooba, mu maminiti masyoonto. Nda kamubuzya. Nda kali muzyi. Elyo Nda kati, “Sena uli mulindu mukubusyi kuzwa ku cikolo cipati okuno?”

Waa kati, “Nde ndime.”

Nda kati, “Sena ulizi malwazi ako?”

135 Waa kati, “I madokotela bala ndaambila kuti bayeeya kuteeti Ndi yooba kabotu.”

136 “Ee,” Nda kati, “ino kuti tolulama? Sena uli Munakristo?”

Waa kati, “Peepe, munene. Nseli obo.”

Nda kati, “Sa uyanda kuba Munakristo?”

Waa kati, “Inga ndacita.”

137 Elyo Nda kati, “Sa inga wapa moyo wako kuli Kristo?” Elyo waa kati uyo cita. Elyo banyina bakazuza kutala a kwaamba kuti uyooba awalo. Kwalo, Nda kaba bbizya boonse okuno mu ciziba. Kakombela musimbi mukubusyi.

138 Elyo ciindi cakazumanana. Elyo kumalekelo musimbi waka talika kuba kabotu, nikwakainda mazuba masyoonto, ta kazi eco cacalubide. Elyo nikwakainda kaindi kaniini, baka mujosya ku kulangalanga, nkabela tiiba kakonzya kujana mukondo wa ncico, pee. Kuli ii. . .

139 Nse yandisiyi kukanana zintu zipati zijatikizya bantu, pele Ndi yanda kuba usyomeka kujatikizya bantu. Ngooyo muntu mu dolopo eli, oyo uzizilwe kabotu, a mukwesu mubotu Munakristo, nape na takaba daikona wa mbungano eyi. . . Nda waka, musyomesi wa mbungano. Alimwi mpali eno. Elyo wa kacibikka buyo ali lwakwe ku kubamba kaambo ka musimbi oyo. Yakali myaka yakainda, nikwakainda myaka yobile na yotatwe, mulindu mukubusyi waka manizya cikolo cakwe nkabela wakali kweenda a mulombe.

140 Elyo Nda kamuswaana mu kagwagwa buzuba bumwi, nkabela waa kali kkomene kapati, a kulungulula ku bulemu a nguzu zya Jesu Kristo, niba kamana kumwaambila obo mbo cakabede. I musimbi ulikwete. Walo ujisi bana. Elyo ula pona kakkomene.

141 Elyo wisi ulasika ku busena bwa mwaalumi oyo nkwacitila mpindu. Elyo Ba. Egan awa, yo wa—wa kamba kaambo coonse ciindi. Alimwi musimbi wakapona akuba kabotu. Elyo eco cali ciindi cilamfu, Mukwesu Egan? Myaka misyoonto yainda, embo na? [Mukwesu Egan wati, “Myaka, yosanwe, cisambomwe

yakainda.”—Mul.] Elyo ula pona asunu, ku bumboni bwakuti Leza ulaponya bulwazi bwa Hodgkin abwalo.

¹⁴² Oh, ncibotu loko kuziba, kuti mu maora a mafwabi, kuteeti tu jisi mayubilo. Olo mayubilo ngu Kristo.

¹⁴³ Ndi yanda kulungulula buyo ku i. . . kuli ndinywe nobamwi, cintucimwi ciniini mu muswaangano, eco cakazwaa kucitika. I Mwami wakali mubotu loko mu kwiingula mipailo yanu yoonse, mbuli mbo Nda kaunka Kumbo ku muswaangano ndyoonya lino, mvwiki zisyoonto zyainda, mvwiki zyobilo. Elyo kuciindi nitwa kali ku Tulsa, ku muswaangano wabaiminzi, Nda keelede ku. . . nse kaamba, nkaambo. . . Nda keelede kuyooba a muswaangano okuya. Pele bakutausi baka jisi lubukulusy lumbi kalu citika, aboobo tii Nda kakonzya kuba a muswaangano ku ciindi eco. Pele Nda kainda muni, ku kubweza Mukwesu Arganbright, kumutola ku California; mukaintu a Ndime, a Joseph muniini.

¹⁴⁴ Elyo busiku obo, cindi nitwaka mukisya, Nda mwya kuti Oral Roberts a Tommy Osborn bakali kuyo kambauka busiku obo. Aboobo Mukwesu Arganbright waka tumuna mu mahotelo mane wa jana awo mpo twakabe, a kuti, “Kamu selemukila ku muswaangano.” Aboobo wa kasika, walo a Mukwesu Sonmore, Bantu Basimakwebo Banakristo, mwendelezi wa mutabi waku Minneapolis. Ba—ba ndi boolela.

¹⁴⁵ Elyo Nda kanjila, nkabela bakali kulya cibusulo kale, mu i—mu bbaluumu yabana Mayo, busena bupati. Bavubi bamamilioni manji kabakkede omuya. Elyo aboobo mulizi Mbwe kalimvwa kanjila mu busena buli boobo. Nse kazyi nkuba kubelesya manafi a mfoloko nzoba kajisi a tafule. Pele Nda kanjila.

¹⁴⁶ Elyo kuciindi ni Nda kanjila, Oral Roberts wakali kukambauka. Elyo wa kali kukambauka aa kuvula kwa buumi, kuvula, elyo kaambila Bantu Basimakwebo Banakristo, kuti, “Jesu wakajata nswi, kazibikka mu manyandi, alimwi zyaka jisi zinji kwiinda mbo zyakali kukonzya—zya kali kukonzya kubelesya.” Elyo Mukwesu Roberts ngu mukanazi wanguzu, mbuli mbo muzi. Elyo wa kati, “Kuli banji bantu boonse.” Elyo wa kati, “Lino, Ndi yaka ii—ii tempele okuno, antela lyaka bbadela madollar ali mamilioni.” Lati, “Bwa kayakwe kuzwa kutubwe tutuba.” Elyo wa kati, “Ndili buyakide cisela kuya mujulu, nkabela Nda kamaninwa mali.” Elyo kati, “Mpawo Nda kazabuka kagwagwa buzuba bumwi, kuyo bulanga, nkabela dyabulosi wakati ‘Nywebo mulizi cintu na? Bantu bayo inda a kwaamba, “Eco ncencico Oral Roberts nca kacita.””

¹⁴⁷ Wa kati, “Mpawo Nda kaambila dyabulosi kuti, ‘Pele bayo elela kwaamba kuti, “Oral Roberts wakasola.”” Eco ncibotu. Elyo wa kati, “Mpwo caka bikkwa kumoyo wa sibbanki, okuno mu dolopo, oyo wakandipa looni ya mali kaindi, kutandila, madollar ali mamilioni obilo kuzwa ku nkomwe, ku kumanizya buyake.” Mabbanki taciti ceeco. Nywebo mulizi obo.

148 Elyo wa kati, “Oyo umwi simakwebo, sibbanki, uli kkede eno.” Wa kati, “Nse yandi kwiita zina lyakwe, nkaambo ta zulilwi ncobeni ku bantu ba Makanimabotu aazwide. Pele,” kati, “uli waano.” Elyo kati, “Nse—Nse yeeyi akwalo kuti utaminina kuba Munakristo. Pele,” kati, “cintucimwi capusya moyo wakwe, elyo wa kandi lekela kuba a mali.” Kati, “Ikuti na uyanda kwiimikila,” kati, “ula konzya, pele Nse kasebaanyi muntu.”

149 I mwaalumi wakaima, kati, “Nse usi nsoni, Ba. Roberts,” a kukkala.

150 Mpawo Nda kanjila, nkabela ndakali kkede. Mpawo Mukwesu Roberts, mbwa kamanizya buyo, kaboola okuya a kusukana maanza a ndime, a kundikwela mu maboko akwe. Elyo maminiti buyo masyoonto, mpawo, mubwini, bantu banji bakasika koonse, nywebo mulizi, kabaambaula kuciindi notwakali kulya, a kuyanda miswaangano azimwi zimbi, a bakutausi.

151 Elyo mpawo Demos Shakarian wakabuka. Ngo mweendelezi wa mutambi wa Bantu Basimakwebo iba Makanimabotu Azwide. Elyo wa kaima a kwaamba, “Nywebo mulizi, Nda limvwa kusololelwa a kuti Mukwesu Branham weelede ku tu kambaukila, sunumasiku, mulumbe wa mamanino.”

152 Ee, Nse kazyi eco ca kwaamba. Elyo wa katalika kwaamba makani aa bantu mpawo kakkede mukati muno, kati, “Ngooyu *Niini-a-niini*. Nda kamuswaana sunu.” Ba kali kundaambila bali bamwini ba mayake andandeme mu dolopo onse otatwe na one abana Miracle Mile. Bavubi bamamilioni manji a beng’ombe zinji, azimwi zimbi, nkabela ncinzi Nce kali kukonzya kwaamba mu muswaangano uli boobo?

153 Pele, nywebo mulizi, lyoonse ncibotu loko kumvwida. Aboobo Nda kaimikila kukanana mbuli Mbwe kakonzya kucita. Elyo kumamanino a kuswaangana . . . Ta ciluleme konse kupa lwiito lwaku cipaililo mu busena buli boobo. Pele, nywebo mulizi, Nda kabamba lwiito lwaku cipaililo ku miswaangano ya dilwe. Aboobo Nda kayeeya, “Nceeci ciindi cibotu.” Elyo Nda—Nda kabamba lwiito lwaku cipaililo. Elyo boonse abo baalumi a banakazi bavubide bakasika ku Mwami Jesu, a kupa myoyo yabo ku Mwami.

154 Nda kagambwa kuli umwi muvubi simamilioni, mukaintu wa muvubi simamilioni manji kasamide ngowani niini, a mapepe akusakatiya ansi kuzunguluka lubazu, atala akamu tolela madollara ali mwaanda. Elyo misozi kiimbulumukila aa masaya akwe. Waa kandijata ku janza, waa kati, “Mukwesu Branham, moyo wangu waputa.” Waa kati, “Ndali kuyeeya kuti Nda kali Munakristo, kusikila lino.” Waa kati, “Ndi yanda kubelekela Mwami.”

Elyo Nda kati, “Nda kulumba.”

155 Elyo mpawo mu maminiti masyoonto, Cintucimwi cakati kuli ndime, “Kombela balwazi lino.”

156 Nda kayeeya, “Oh, peepe. Nse konzyi kucita ceeco. Nda kanyonganya kale i...kaanda aka ka misobano yabuleya. Aboobo ikuti na Nda kombela balwazi, bayo yeeya kuti Ndili sikwiindilizya ncobeni.” Aboobo Nda kayeeya, “Ncobeni Mwami inga nata ndaambila ceeco. Ndiza Nda kanyanyamukwa buyo konse nkaambo ka kusanduka oku, aboobo Njo sobelela akukkala acuuno.”

157 Elyo Nda kaselemukila ku tafule lya mukanazi, kuyaansi kumamanino ngaonya, akukkala acuuno antomwe a Mukwesu Jack Moore, kali kkede alya, nkeambaula. Elyo Nda kanyona kuswaangana kujokela ku mwendelezi, Ba. Shakarian.

158 Mpawo cindi na—na kabuka, elyo wa kati, “Yebo ulizi cintu?” Oh, Leza kweelede kuti waka muguma aa ciwezo. Wa kati, “Nda limvwa kusololelwa kuba a Mukwesu Branham kujokela a kukombela balwazi.”

Nda kayeeya, “Oh, kabotu buyo ncobeni.”

159 Elyo Nda kaima a kubaambila. Elyo Nda kati, “Nda kamvwa eco. Elyo Nda lomba kuti Leza andi jatile. Pele ncibotu cindi muntuumwi aguma, awalo, nywebo mulizi, kutubamba antoomwe mukuziba kuti nkubeleka kwa Muuya.”

160 Aboobo Nda kati, “Lino, kuponesegwa kwa Buleza takuli kuguma poolo. Tacili buyo cintucimwi eco cakuyeeyela buyo. Ngu Leza nguwenya waka futula bantu aba boonse awa kaindi kainda. Ngu Leza nguwenya oyo uuponya bantu boonse abo bali waano, kwiinda buyo ku lusyomo lubombede ku Mu syoma.” Nda kati, “Sena ula cisyoma?”

161 Elyo lino ku maseseke, ku mbungano yangu. Mbuli mbo zyi, mulimo wangu ulacinca, alimwi, oh, ino nkucinca kwa bulemu! Oh! Nyoonse mulaayeeye Majwi akali kulila. Alimwi ciindi conse cacitika, cintucimwi cilacitika, cindi Nda njila ku kukanana ali ceeco, boola—boola kuli ndime, “Amwaambe ku dundu eli.” Nkaambonzi cali obo? Lya kali lusyomo. Cili conse ncaku lusyomo. Lusyomo tacili cintucimwi nco busya. Lusyomo cintucimwi nco jisi.

162 Elyo Nda kayeeya, “Ikuti...Nda usa lyoonse ku lusyomo lwangu, ku bantu, kabotu mbuli Mwami mbwa kabede.”

163 Wa katondezuya zintu, kaamba zilengaano. Zintuzyonse zyakali londokede. Nywebo nobantu mulizi obo. Tali mugame. Tali muntu. Ngu Leza oyo ucitita.

Elyo eci cifoto *awa*, nzila mbo cakaunka ku inyika yoonse!

I bamwi mu Germany!

164 Elyo okuno mvwiki zisyoonto zyainda, ndiza beenzu awa teebe kacibona, ba kajata umwi umbi. Nda cijana ku muunzi.

Mbu boneki bwa Mwami Jesu kaimvwi nkoonya kusule Nkwe kaimvwi. Elyo maanza Aakwe ali zwide, a milaka ya Mulilo kauluka kuzwa ku janza Lyakwe, kuciindi ni Nda kali kukanana aa ciiyo, “Kwaamba ku dundu eli, ‘Ko zyuka,’ a kuta zumbauzya mu moyo wako, pele kosyoma.” Elyo tuli cijisi. Cili mu Techni- . . . mibala ya Kodachrome. Bali cijisi ku muunzi eno. Alimwi bapanga. . . Ca kalangwalangwa ku sayaansi, azimwi, a malabbolatori. Ciya kuzwa cakufwambaana, cimwi cimbi, cibamba kutandila cisambomwe cabo eno mu masena aindene, eco caka fotolwa.

¹⁶⁵ Eci nce cibotelezya loko kuli zyoonse zyaco, citana bonwa. Ngaayo Aakwe—Aakwe malezu, busyu Bwakwe, buboneki Bwakwe, maboko Aakwe kalengelela. Elyo Nda kaliimvwi moonya mukati mbuli *boobu*, alimwi awo Mpa kabikka maboko Akwe, tamu konzyi akwalo kubona busena bwa ndime, mbuli boobo; mutwe wangu, mpawo matende angu aansii aa cibuye, mutwe buyo a matende, nku koonse kwa kasyaala. Mwabona? Elyo Uli—alimwi Uli imvwi amaboko Aakwe mbuli *obu*. Elyo Nda katandabika maanza angu mbuli *boobu*, nkekambauka, kwaamba, “Yawe ku dundu eli.” Elyo kutandila ciindi eco, cintucimwi cakacitika. [Mukwesu Branham wanontola tunwe twakwe—Mul.] Elyo baka kkopa cifoto ca Nguwe mbuli oyo. Elyo Nceeco we cakali, kunze, konse mu mibala. Alimwi cipati, aboobo mbuli Leza mbwa bamba, cizuma cipati ca mpana lya kkala kazi kkede munsii.

¹⁶⁶ Walo ni Mpana yaku Kkuti. Alimwi mwiijana kuli opiamu? Kuzwa ku mpana. Mbo mbubo. Ino Opiamu ya Leza ijisi nzi? Luumuno. Opiamu uku bamba kuluba onse mapenzi ako. Oasikufweba opiamu, eyo nje nzial mbo balijaya beni kubelesya eyo opiamu. Leza uli jisi Opiamu. Amenii. Ula kutontozya kucisa konse, ponya malwazi onse, akugusya kulibilika konse. Kufumbwa kuti ka tuya kuyoya mu Opiamu Wakwe, tuli ku luumuno.

¹⁶⁷ Elyo cinzuma ca mpana cili bikkidwe nkonya kumbele, oko Nkweli kukanana, aa cibumbili.

¹⁶⁸ Alimwi Nda kakombela baciswa, okuya ku Tulsa, nkabela Nda kaselemuka buyo akuzwa. Elyo kwiinde maminiti atandila ku kkumi . . .

¹⁶⁹ Inga nseyanda kwiita zina lya muvangeli. Pele mwanakazi waka jisi coondamazwi ca buboongo bwaku moongola wakali kubelekela oyu muvangeli, waa kali mulembe wazyambwa mu ziiminizyo. Elyo waa kacita kutaipa mbuli *obu*, nkambo maboko akwe a makuko akalaangidwe. Waa kali kutaipa mbuli *obo*. Elyo oyu—otu muvange mulemu wakazizilwe okuya ku Tulsa, waka munjizizye mu ncito imu kubeleka kwakwe, kukumupa mulimo.

¹⁷⁰ Elyo waa katalika kweenda kuselemuka hoolo. Elyo mpoonya biyo maboko akwe akaanguluka, nkabela waa katalika

kusotauka a kukwiila, kusikila waa kakwelelezya kumvwa kwa bantubonse kutala okuya. Elyo oyo mwanakazi uyandwa kawida ku mazwi akwe, a kutambika maanza akwe a kwaalizya mbuli *boobo*. [Mukwesu Branham wakamba maanza akwe—Mul.] I bulemu bwa Leza, nkaambo Leza waka mwangulula, zindi biyo zisyoonto kumane mupailo.

¹⁷¹ Elyo Nda kasobeleva mukati, ku kuswiilila a kubona eco ncakali kwaamba. Waa kati, “Nda kali kweenda kuselemuka ku hoolo.”

Elyo Nda kati, “Ee, kulumbwe kuli Leza.”

¹⁷² Elyo Nda kanyona, katalika kweenda mu nzila imbi. Elyo Nda kamvwa, kulaale kunselelo okuya, kabona basizibi boonse kabazuza antoomwe, kubona eelyo lyakali penzi. Elyo ngooyu mwaalumi wakali kubweza cibuye, Mukwesu Gardner, muntu nguonya oyo waka ndipa nsuuti eyi.

¹⁷³ Bunji bwanu muli muzyi Mukwesu Gardner. Mukwesu Gardner, mu Binghamton, New York, sikuula myootoka ya Oldsmobile ukubwene kwa myaka yotatwe yakainda, wakasamba myoota ya Oldsmobile kwindu muntu uli onse mu United States. Elyo ulauluka mu ndeke yakumbali. Elyo aniini ku mwaka wainda. . . Zina lyakwe ngu George Gardner. Elyo wa. . .

¹⁷⁴ Sikwenzya wandekwe lwakwe, alikke, wakali kwimba alikke, nkabela wakawa, a ndeke. Elyo wakabbotola mazwi akwe, ingo zyakwe. Elyo mauu a matende akwe akayuminina, nkabela wa kali kweenda *boobu*, sikwenzya wandekwe lwakwe.

¹⁷⁵ Alimwi wa kaliko indi mupailo niwa kacitwa, alimwi wa kali gusya mwini kuzwa mu hoolo omo mwakali cipobwe. Elyo baka mujanina kaanda muni, awalo, kutegwa katabi apenziya lya kuuna akujoka. Elyo mboobu bumboni bwakwe. Wa kaunka mu kaanda kakwe akukkala acuuno; kutali akwalo kuba Munakristo. Elyo wa kati, “Bumwi bumbi, Nda syoma mulombwana oyo muniini ujisi lubala mutwe wakambauka kutala okuya sunumasiku.” Elyo wakati wa katalika kubona tunwe twakwe kutalika kuzungaana. Elyo wa kasotoka ku matende aakwe, kuponesegwa koonse.

¹⁷⁶ Kaimvwi anze awo, kalemya Leza, kaimvwi, katambika mauu aakwe mujulu aansu mbuli *obo*, a ku mabazu aa matende aakwe a zintu zyoonse, kupa bumboni buyo ku bulemu bwa Leza.

¹⁷⁷ Alubo, katutana kukombela baciswa. Nda kali kukkala a Mukwesu Arganbright. Elyo mweenzuma mubotu, Leo a Gene, balizi kwiitwa kwa fooni mbo kubede. Ku vuumya fooni, a Mukwesu Arganbright bakali kwiingula. Elyo, nywebo mulizi, to konzyi kuba koonse. Pele, kacitika kuba, kuti Nda kabweza fooni.

178 Ndi syoma kuti zintuzyonse zibelekela mu nzila ya coolwe ceelede ica Leza. Sena tamu syomi? Amusyome kuti nkekaambo mulindu mukubusyi ncali waano. Ndila syoma kuti nkekaambo toonse ncotuli waano. Nda syoma nke kaambo Ndili waano, kuti twa kaswaana antoomwe ku bulemu bwa Leza, ku kaambo kamwi. Nkaambonzi ncotwa boola ku masena aa caanda, kuba kuno cifumo cino?

179 Aboobo Nda kabweza fooni, nkaambo Mukwesu Arganbright takali mu kaanda. Elyo lya kati, “Ndi yanda kukanana ku Mukwesu Branham.”

Nda kati, “Ndili Mukwesu Branham.”

180 Wa kali muntu muna Spanishi. Wa kati, “Munene, Ndi lizi tacili kabotu, kutandila, kuli ndime kubuzya mubuzyo oyo ngo Ndiyo buzya.” Wa kati, “Inga ndayeeya nzila bantu mbo bakwelela, a zimwi zimbi. Pele,” kati, “Ndili missionari mu Mexico.” Elyo kati, “Kaindi okuno, Nda kakkala mu La Crescenta. Alimwi Nda zwaa kwiiya, maora masyoonto ainda, kuti wali mu dolopo.” Elyo kati, “Nda josya muvwanda wangu, kusola ku muleta kuli nduwe na Mukwesu Roberts, na bamwi bakwesu abo bakombela baciswa.” Elyo wa kati, “Mukuba kuti muvwanda wangu, lusyomo lwangu, Nda yeeyela, wali kompeme buyo aniini.” Wa kati, “Mwana wangu tauna komena myeezi yone alimwi uli mukufwa ku kkulenge.”

Elyo Cintucimwi cakati kuli ndime, “Koya ku muvwanda ulya.”

181 “Ee,” Nda kati, “munene, Ndiyo citya Mukwesu Arganbright, nkabela umwaambile awo muvwanda mpabede, Njo kuswaana.” Aboobo wa jana...Nda mujana Mukwesu Arganbright, nkabela ula mwaambila.

182 Aboobo twa kanjila mu mootokala a kuunka kunselelo. Elyo Nda kaswaanganya mukaintu wakwe muniini. Elyo walo mukuba muna Mexico, nekubakuti taka cilanga. Wa kali lukanda lutuba, kabotu, pele wakali muna Mexico. Kwalo, bana Mexico, ziindi zinji, mba masusu atubuluka, nkaambo bali akati ka bana Spanishi abama India. Alimwi kuli bamwi abo bama India bajisi masusu atubuluka, atuba buu. Elyo mpawo mukaintu wakwe wakali muna Finnishi, utubuluka masusu wini, mwanakazi muniini mubotu loko.

183 Elyo Nda kaunka ku cibbadela a nguwe, kuyo bona muvwanda wakwe. Cindi Ne kanjila mu kaanda, baka cijisi monya munsu lya mahedikkota ya bana narsi. Nkambo, muvwanda muniini, wakali amyaka yakukomena yone, nkabela wa kazyalwa kajisi zikoto zya malinginanti mu myeebo, eyo yakazimba kutandila kulampa obu kuzwa kubusyu bwakwe, mbuli obo, kudukumana mbuli obo. Elyo bamadokotela bakasola kupandula. Elyo mbata zipati loko zisakene zyaka donkola konse kuzunguluka kameneno kakwe

kaniini, kuzunguluka konse. Tiya kaleka; biyo yaka caka itola mu mulaka wayo. Elyo myeebo miniini kailengelela mbuli *obo*, a mbata zipati zisakene. Elyo mulaka muniini wawo . . . Mulomo muniini kuuta vumbide *obo* kukomena. Elyo mulaka wakwe, antela mupati *obo*, kuzimbide kutontelwa anze kutandila kulampa *obo*, akusanduka kusiya. Elyo caka jala kuyoya kuzwa ku mpemo kuselemukila ansi, cindi naka cimena kutala lya mulomo waco. Elyo mubwini, caka kosola kuyoya kwaco, kuzwa *awa*. Ba kacita kutenda kapulo mu kameneno kayo. Elyo waka jisi ludweba luniini . . . mbuli kagamba kaniindi kabulungene mu kameneno kako. Elyo maboko akwe akali mu pulasta, mbuli *obu*, kutegwa kata konzyi kutambikizya kukwela olo ludweba; nilwa kamusika. Elyo kkulenge, kalisweka, a narsi wakacita kwiimikila alya a cintucimwi cakukwela kusweka kwa kkulenge kuzwa ku ludweba, nape nilwa kamusika kufwa.

¹⁸⁴ Elyo wisi wakeendeenda ku mbali lya bulo, elyo wa kati, “Ricky, amulombe muniini wa taata!” Wa kati, “Taata wakaleta Mukwesu Branham ku kukombela, Ricky.”

¹⁸⁵ Cindi na kati, “Mulombe muniini wa taata,” muuya wangu wakazwa kundisiya. Nse kakonzya buyo kucizunda limbi. Nda kajata buyo ku lubazu lwa bulo. “Mulombe muniini wa Taata.” Elyo mulombwana muniini, kacili mukubusyi mbuli mbwa kabede, wa kalizi kuti wakali wisi wakwe. Elyo wa katalika kuweelela mbuli boobo, a maboko akwe maniini mbuli obo. Elyo walo kasola kuumauma mulombwana muniini aa mutwe. Ii muvwanda muniini utakweankwaya, wakazyalwa mu ciimo eco. Nse konzyi buyo kukanana. Nda buyo . . . Nywebo mulizi, yebo ukkuta loko, to konzyi kwaamba cintu.

¹⁸⁶ Nda kalanga ansi, kaabona maanzi maniini kuzwa kungsi lya pulasita eyo mpati. [Mukwesu Branham acita coongo cakweesemuka—Mul.] Elyo kucita coongo cakweesemuka. Elyo Nda kayeeya, “Sa eco tacuusisi nsoni!”

¹⁸⁷ Elyo Ne kamana kupempenukwa, kweelede kuyeeya cintucimwi, Nda kayeeya, “Jesu, sa Wa amba kuti Ujisi kubotelwa kwa kubona ceeco? Nse konzyi ku cisyoma. Nse konzyi buyo kusyoma kuti Ula jana bulemu kuzwa mu muvwanda ulya muniini uciswa mbuli boobo. Ta cikonzyi buyo kuba. Ikuti na cindibamba, sizibi, kulimvwa mbuli kuti Nda cita ku muvwanda oyo, inga inga ca Ku citila nzi, kasensa ka luse loonse? Ino ceelede kucita nzi kuli Nduwe?” Elyo Nse kalina kwamba majwi.

¹⁸⁸ Wa kali kusola ku cisabanya, ku citontozya. Alimwi mubili wakwe muniini kausade tebola liniini, buyo kutandila . . . I mubili muniini, a onse, utaindi kukomena *obo*. Elyo mutwe wakwe wakali cibeela cipati maningi, mweebo wakwe waka zimba loko. Elyo baka bikkide cintucimwi ku mutwe wakwe, ku kubamba mutwe wakwe muniini kuta juka kubbotoka.

Nywebo mulizi, kasila; myeebo yakwe yakali zimbide mbuli obo, kukomena mbuli *obo*, kuulesya kubbotoka. Elyo narsi wakaliimvwi alya.

¹⁸⁹ Elyo Nda kalanga ansi ku mulombwana muniini, elyo Nda kayeeya, “Mwami, ino inga Wa citanzi ikuti na Wali imvwi awa?”

¹⁹⁰ Lino, Nda mvwisya kuti Ndili mu cikambaukilo. Elyo Nda ziba kuti Leza nkwali. Pele cakaboneka kuli ndime kuti Cintucimwi ca kaamba kungsi lya buntu bwangu, a kuti, “Ndi lindila kubona eco ncoya kucita kujatikizya ncico. Nda pa bwami Bwangu ku Mbungano.” Mpaawo wapoluka alubo ku, “Amwaambe ku dundu eli.” “Nda pa bwami Bwangu ku Mbungano, alimwi Ndi lindila kubona eco nco muyo cita.”

¹⁹¹ Nda libuzya ikuti na oko nkulanganya Kwakwe kuli ndiswe ciindi coonse, kuti Ula lindila kubona eco nco tuyo cita. Ino kujatikizya zitondezayo zya ciindi nco twa kali kukambauka? Ncinzi Nca kalino cita? Uli ndila kubona eco nco tuyo cita.

¹⁹² Ee, Ndi jisi muvwanda wakwe muniini mu janza lyangu, moonya mu minwe yangu, mbuli *obo*. Wa kali muniini loko. Elyo Nda kati, “Mwami, komvwa mupailo wa mulanda Wako. Elyo ku lusyomo, kuti Ndila syoma kuti Mpoli, Nda bikka akati ka daimona eli lya kkulenge a buumi bwa muvwanda, Bulowa bwa Jesu Kristo. Akati ka sikujaya a muvwanda, Bulowa, ku lusyomo Nda bikka ceeco.” Elyo tii Nda kakonzya kwaamba cintu cimbi.

¹⁹³ Nda kanyona a kutalika kweenda kuzwa. I taata wakandi tobela. Wa kati, “Mukwesu Branham, Mwami masena aa moyo wangu ku kupa kwakkumi.”

¹⁹⁴ “Oh,” Nda kati, “mukwesu, uta yeeyi ceeco. Peepe.” Nda kati, “Nse yandi mali, mukwesu.”

¹⁹⁵ Wa kati, “Pele Nda kayobola kwakkumi.” Oh, mali masyoonto, Nda luba lino mbubonya buyo, Nda syoma kutandila madollar ali makumi osanwe. Wa kati, “I Mwami waka cibikka ku moyo wangu ku cipa kuli nduwe.”

¹⁹⁶ Nda kati, “Ndiyo kwaambila cintu. Ndiyo citambula, elyo mpawo cijosye a kupa kuli Ricky muniini okuya, aa wakwe—aa cikwelete cakwe ca cibbadela. Nkaambo, uli mukambausi. Ndi lizi obo mbo cibede, kuti mali caamba nzi. Elyo yebo, omissionari, alimwi Ndi lizi kuti citola mali. Alimwi ujisi mukwasyi, a mabbilu onse a dokotela oyu. Ko kujosya ku bbiilu ya Ricky muniini.”

¹⁹⁷ Wa kati, “Nse yandi kucita ceeco, Mukwesu Branham. Ta ceelede kubbadela madokotela. Nca kupa bakutausi.”

¹⁹⁸ Elyo Nda kati, “Iyi, pele Ndili mukucijosya kuli nduwe.” Elyo Nda kacikaka.

¹⁹⁹ Elyo Nda kazumanana kuya kutala ku ng’anda, a mu makani aa maora masyoonto, myeebo yakaya ansi, a mulaka wakwe wakajoka mu busena bweelede. Leza wakaponya mulombwana

muniini. Ba kali kugwisya ludweba cifumo Ne kazwa, kuzwa mu kameneno kakwe.

²⁰⁰ Ca kayoosya Nkomwe yoonse ya Kumbo. Dokotela wampuwo wakatuma mwana wakwe, a muzukulu wakwe. Elyo ba kajala mugwagwa, ku nzila, ku mamaile ali makumi one na makumi osanwe, mu Pasadena, a kujala mugwagwa Mpe keelede kwiinda, kuyo kombela oyo muvwanda oyo waka jisi kugwinya gwinya ku boongo. Ba kamu yaside nyeleti ya peninsilini, a kucitya kkulenge kuzwa ku nguzu zya nyeleti ya penisilini mu kasolo kakwe. Elyo Ndili masimpe kuti Mwami waka muponya.

²⁰¹ Kakutanaba buyo kusiya ng'anda, fooni yaka zuzila, kazumanana kulila. Mukwesu Arganbright, Nda kamumvwa kakazyanya a muntu umwi, kati, "Peepe, inga tii Nda cita eco."

²⁰² Mbuli Mbwe kali kunjila mu mootokala, kwakali ii—ii stashini wagoni niini yakanjila. Wakali ni pele mukwesu muniini muna Mexico a mukaintu wakwe! Bobilo babo kabalila buyo a kulumbaizya Leza. Kati, "Mukwesu Branham, Nda leta kwakkumi oku kuli nduwe."

²⁰³ "Oh," Nda kati, "mukwesu, Nse konzyi kutambula eco." Nda kati, "Nse konzyi buya kucicita."

Wa kati, "Pele Nda kuleta kuli nduwe."

Kati, Nda kati, "Nda kwaambila kuti akubikke aa bbiilulya Ricky."

²⁰⁴ Wa kati, "Cifumo cini, cindi ne unka kuyoopa dokotela kwakkumi oku, kuzumanana ku bbilu lya Ricky, dokotela wakati, 'Yebo tokwe nkongole kuli ndime.' Wa kati, 'Tii ndaka jisi cintu cakucita a ceeco.' Wa kati, 'Eco ncikankamanisyo cipati.' Wa kati, 'Ndi . . . To jisi nkongole kuli ndime ya sheleni lyomwe.'" Aboobo wa kati, "Kobweza oyu, Mukwesu Branham. I Mwami waka ndaambila kuti uyo uubweza."

²⁰⁵ Nda kayeeya, "Oh, Nse konzyi." Nda kati, "Mwami, Nse limvwi mbuli kucicita."

²⁰⁶ Mpawo cintucimwi cakandi sikila. Jesu kaimvwi buzuba bumwi, kalanga bantu bavubi kaba bikka mali abo manji loko. Oh, ba kajisi kunji, aboobo bakali kupa kunji. Elyo mukamufu muniini wakasika a makkobili otatwe, nkabela cakali coonse nea kajisi. Oko nkukoonse kuponena nkwa kajisi, elyo waa kakubikka mukati. Lino ino nitwa kacita buti? "Oh, mucizi, uta citi eco. Huh-uh. Yebo ulizi, ta tuyandiki eco. Uta soweli eco mukati. Oko nkupona kwako koonse." Pele Jesu waka mulekela buyo kuzumanana a kucicita, nkambo, "Kuli lelekedwe kunji ku kupa kwiinda kutambula."

²⁰⁷ Ndi jisi zyakkumi ziniini. Ta ndizi cakucita a nzizyo. Njo babikka abusena bumwi, mu mulimo umwi wa bulemu bwa Leza, kubusena bumwi bubotu maningi Mbwe konzya.

208 Ino ncinzi? Bwalo Mbulemu bwa Leza. Ni Nguzu zya Leza. I zimvule zili mukuvumbilila; Kristo uli mukulibonya, nke kaambo zitondezyo a zigambyo nco zili mu kulibonya. Ngo Mumuni oyo mupati wa Mwana kautondezya kuzwa ku nyenyeezi zya cifumo, a kuponya mu mababa Aakwe. Elyo ikuti na Uyo leta kuponesegwa kuzwa ku kutondezegwa kwa Busyu Bwakwe, ino Uyo cita nzi cindi A boola mu Muntu? Eyi mibili iifwika yesu iyo cincwa a kubambwa mbuli ku Mubili Wakwe Wini wabulemu. Ino ciyooba buti cindi A boola? Kusikila Aka boole, tuli lumbide ku Mwana Mumuni wa Busyu Bwakwe, mbuli ntanda zyaku bucedo mbo zitanta kazila ka malambo mapati aku Bulemu, akukkala alya kukuvukauzya ku Kuboola Kwakwe mu oora eli lisiya.

Atu kombe.

209 O Mwami, tula Ku yanda nconzyo kapati mane, Mwami, taakwe kulungulula nzila ndamfu...Ta tu katali ku kupa bumboni bwa kulumbaizya Kwako. Pele oora lili waano lino, kuli bantu baciswa kabalindila. Yebo ulizi bumboni obu. Mbo babede, kuciimo mbuli Mbwe zyi, Mwami, bwini butonkomene. Kuli sikulyenzya wiimvwi alya, kutondezya mbwa konzya kwiima ku matende aakwe, a ziimo zyonse mubili wakwe mowa kabede; a kusuta bulukwe bwa maulu akwe akutondezya mazwi akwe a maula one akabbotoka kulicisa, oko bamadokotela nkoba kasola kujosya mafuwa atoomwe. Mwabona mwanakazi kaimvwi alya a penti ku meso akwe, nkabela kula usanzya ansi ku misozi ya lutangalo mbuli mbwa kaambila ciimo cakwe ca coondamazwi caka ponesegwa ku Nguzu Zyako. Elyo ku mwana oyo muniini uuyandwa, a bumboni bwa taata a balo abo bakaliko.

210 Lino, Mwami, Uli buyo mupati awa cifumo cino, omuno mu cikombelo, mbuli Mbo bedede kuli koonse mu inyika. Elyo Wa kasyomezya kuti oko nko tuyo swaangana antoomwe, kuti Uyo oba akati kesu. Lino tuyo ita balwazi abo Mbo katu tumina cifumo cino. Elyo tuyo bakombela, alimwi tuyo komba a myoyo yesu yoonse, mupailo wa lusyomo. Elyo akube kuti Yebo ufutule balwazi a ku babusya. Elyo ikuti na bakacita zibi, koba jatila, Taata, mbuli mbo tu lyaamba zibi zyesu umwi kuli umbi, a kukombelana umwi aumwi. Alimwi Wa kati, "Ikukomba kusinzizye, kwini kwa mululami kujisi nguzu zinji."

211 Tu lizi umwi ulede awa andiswe cifumo cino, mutumbu muniini buyo a bana aba baniini. Mwami, kweendelana ku madokotela, uli muni kumamanino aa lweendo lwakwe. Pele twa komba, Leza, kuti Uyo imikila akati ka nguwe a sinkondo oyo. Elyo cindi twa munanika a ku mukombela, akube kuti Nguzu Zyako zigume buntu obo bwa nguwe. Ziyo leta lusyomo a lwaanguluko. Elyo akube kuti aunke ku muunzi kuyo ponesegwa, a kupa kulumbaizya, akuba ii—ii citondezyo ca Nyenyeezi yaku Bucedo, ku bulemu bwa Leza. Amen.

²¹² Mukwesu Mercier, lino, mbuli mbo tubweza bantu aba kwinda ku zipangano, bantu kaba boola. Tuyo ita buyo mweelwe oyu. Elyo babikka aa musyobo wa baabo kuti bakombelwe. 🐘

58-1130 Omulindizi, Ino Ali Buti Masiku?
Branham Tabernacle
Jeffersonville, Indiana U.S.A.

CHITONGA

©2022 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu cianza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org